

中西兵略指掌

軍防五

沅南陳龍昌成叔甫輯

海防

句吳楊湖觀

防陸易。防海難。陸地之險易。搜海寇之來往。測今者。塘功告竣。海不揚波。潢池赤子。久矣無蹤。而計定苞桑。戒深衣絮。沿海要害。宜一一籌之。江浙閩粵。皆濱海之區。在廣東則有三路。以南澳柘林為要。平海碣石次之。惠潮之東路也。以大鵬虎頭為要。香山崖門次之。廣州之中路也。高州以蓮頭等港為要。雷廉以泗州等隘為要。者三州之西路也。在福建則有五寨。一曰浯嶼寨。舊設於浯嶼。後遷入廈門。一曰南日寨。舊設於南日。後遷入蒲田。一曰烽火寨。舊設於三沙。後遷入松山。一曰銅山寨。漳浦為漳郡之蔽。而銅山又為漳浦之蔽。一曰小埕寨。連江為福郡之門。而小埕又為連江之門。閩粵之防畧如此。在浙西則嘉湖二郡濱海。在浙東則溫台寧紹四郡濱海。論其海口。則溫州之飛雲橫陽。台州之松門海門甯波之定海石浦。紹興之三

江沙門杭州之赭山龕山嘉興之乍浦澈浦皆海盜窺犯之地也。論其海洋則金盤之鳳皇山松海之大佛頭昌國之韭山定海之舟山臨觀之烈港海甯之洋山許山皆洋寇必經之路也。在江南則蘇松專防海常鎮兼防江松以金山為重地而上海有川沙南匯華亭有青村柘林蘇以太湖為徑道而常熟有福山港白茆塘太倉有劉家河七丁港嘉定有吳淞江黃家港至常鎮則以蔞角嘴營前沙相對為第一重門戶周家橋與團山營相對為第二重門戶而金山焦山相對又為第三重門戶在江北則維揚防海兼防江淮安防海兼防淮揚以通州為要害而狼山鎮掘港之陸路可入淮以朐山為要害而雲梯關廟灣之海口可入江浙之防約如此四省中郡縣之孤注海中者如廣有瓊崖福有臺灣浙有昌國江有崇明賊來首犯防禦宜先泝而上之山東則沙門島京師則直沽遼東則望海埕係運漕舊路亦咽喉要區近於天津地方多設水營分撥八旗滿洲駐防操演製造趕繒舢板等船召募水手

校工駕駛。巡查海面。搜剔叢奸。其於海防。大有裨益。君子思患防預防。於商賈之出入。必嚴立清冊。而責成於隣保。於漁採之人。戶必善加招撫。而藉力以巡偵。於港口之圻堦。必多立軍營。而示威於練閱。陸軍屯於諸堡。則以之守內。而有餘。水軍泊於諸洋。則以之邏探。而無不足。觀時以為備。扼要以為安。縱彼不逞之徒。遊魂出沒。捷疾如風。而動輒敗謀。何從竊發。如其商賈之禁不嚴。則其暗去潛回也。知為何事。漁戶之船不緝。則其星流雲散也。未必無奸。軍營之令不威。則其受貨交通也。適以為害。藏奸長孽。勢所必然。至於臨時備衛。則延袤萬餘里之海岸。信濶兵稀。其出入無常期。其往來無定局。其聚散無成形。其早暮無定刻。或在汛前。或在汛後。或因漁熟。打浦打票。或因穀熟。搶穀歸船。我去彼來。我來彼去。我出汛則匿跡潛蹤。我撤汛則東趨西犯。勢不能擺邊守。堵將何以捉影捕風。其道第一當看風之南北。如大汛多南風。小汛多北風。南風不必備北。北風不必備南。北風則順風以南為援。備南則順

風以壯為繼之類是也。次辨水之淺深。如深水港則入。非深水港則不入。某處是塗。某處是磯。幾處五六月最深。幾處九十月漸涸之類是也。次視潮之順逆。如一潮兩潮。半潮之別。及有風無潮。有潮無風。皆不能行之類是也。又次問陸之通塞。如陸可登則犯陸。不可登則不犯。可登之處。有人家則來。無人家則不來之類是也。數者既明。則力不分而備不多。算有程而規有定矣。猶或慮其疏虞。則聯絡漁船。船長設法鼓舞。以壯我之聲援。如前以漁船為餌。後以漁船為殿。或稅其船為用。或倩其人以駕。或立長分艚。編成保甲。或凌波出海。四散招搖。給以旌旗。付以鼓鉦。不必出力鬪爭。亦可張疑設伏。不惟壯觀增勢。亦可杜絕通洋。猶或慮其登犯。則約束鄉兵。協力操練。以斷賊之近岸。兩汛之時。意主於剿。則務毋張皇。必須四處匿形。暗伏以待。其來。兩汛之前。兩汛之後。意主於守。則毋盡撤防。必須近處輪操。警候以虞。其至所謂有事於外。不可不內嚴。城所陸口之備。有事於內。尤不可不外嚴。大墩小墩遠墩近

墩之防。此虞其不虞。意所不意。尤為詳復而周至。若夫分艦之不如合艦一也。合為一艦。不如合為數艦又一也。合為數艦。以備外險。不如以守近險。以外險若圖鬼魅。近險若圖牛馬。的實不可欺又一也。守近洋一處之險。不如樹疑于東。搜襲於西。將適於此。必取於彼。往來無定。自我易形又一也。其間至要者。兵數不可不足。火器不可不熟。風雲不可不占。爪探不可不廣。海防之法。密於海。盜之總。視海盜者。其酒米不能不取之於陸。樵汲不能不取之於陸。器械不能不取之於陸。火藥什物不能不取之於陸。一日不穀食。雖水味何以充饑。一日不樵汲。雖提錫何以舉囊。一人無器械。雖勇者不能搏戰。一船無火藥什物。雖高牙大櫓。何以取利。是故拒之於陸。不如拒之於口。拒之於口。不如拒之於洋。我苟慎守海口。嚴禁下洋。彼不來則靜待其蹙。彼來則設伏以俟。於以入蜃市而薄蛟宮。何慮之有。尚有竄伏於遙嶼孤嶼。以潛相窺伺者乎。

中西兵略指掌

卷二 軍防

清月

三

江防

句吳楊湖範

長江天塹。天之所以限南北也。古稱四瀋。江實首之。按其源流。歷經四省。其在蜀也。發於松潘。越成都。叙州。重慶。而出夔州。其在楚也。貫於彝陵。歷荊州。漢陽。武昌。而下。斯黃江右之流。經於九江。江左之流入於安慶。江至江南。愈大。江行江南。愈險。則謹江防於江南。愈重。夫江南一省。北控河淮。南瀕震澤。東距滄溟。而長江逶迤。實介乎其中。總計州郡之濱江者。其北岸則為皖城。而合肥。而和州。而廣陵。皆拊江之背者也。其南岸則為石城。而姑孰。而林陵。而潤州。而晉陵。而姑蘇。皆固江之腹者也。腹背之間。延袤千里。形勢之要。可得言焉。以咽喉言之。狼福山為第一重。馬駝沙為第二重。金焦山為第三重。由是而揚儀。為石帆。瓜埠之險。由是而江甯以下。太平以西。為天門。牛渚。采石。橫江。板子磯。針魚嘴。小孤山之險。斯皆洪波迅惡。山勢夾束。列營以守。不可緩矣。以徑道言之。廬慶之間。有沙河一路。而淮可達。揚鎮之間。有邳溝一路。

而淮亦可達。蘇常之界有孟河諸瀆。而太湖可接。江甯之下有溧陽諸水。而太湖亦可接。他如巢湖諸流合於北。荻港諸流合於南。兼角諸口出於東北。濡須諸水渡於西南。斯皆川壑朝宗。形援四達。扼險而防。不可後矣。夫守咽喉。則江面之巡邏。江口之屯駐。可使片舸不敢追。獨徑道。則上而濠壽淮泗。下而臨安豫章。不難犄角。以為國內防所控。大要如斯。雖然。知守江而不知江之所以為守。知江之要而不知江之何者為要。則輕重之權不審。而得失之形不彰。大抵東南之勢。建康其都會也。皖口其門戶也。京口其鎖鑰也。皖口臨江而城。使豫章之師自九江而至。襄楚之師自蕪黃而下。則皖口必搖。皖口搖而門戶撤矣。故論者謂按武昌而蔽金陵。其要必在安慶。此今日安徽巡撫之說。所以制其上游而有建瓴之勢者也。建康憑江為國。使光蔡之師自合肥而扣東關。濠壽之師自滁和而渡采石。則建康必震。建康震而腹心潰矣。故論者謂保東南而問中原。其要必在建康。此今日兩江總制之說。所以鎮其

中堅而有雄視之勢者也。京口倚江為國，使正兵自淮泗揚帆而下，邪濤以扼其首。奇兵自海道擊楫而入狼山，以折其尾，則京口必動。京口動而鎖鑰去矣。故論者謂清海甸而援金陵，其要必在鎮江。此今日鎮海將軍之設，所以控其下流而有率然之勢者也。是故沿江之險雖同，而措置之輕重不同。沿江之要不異，而古來之得失則異。粵稽吳晉宋齊梁陳以迄明初，皆都建康，則其命係於江，而南宋都臨安，則其命尤係於江。獨是防江者不在江，不溯襄漢之上流，則險在人而不在己。防江南者不在江南，不跨淮泗之上流，則險在內而不在外。險不在己者，門戶薄而堂奧不堅。險不在外者，腹心露而垣籬不厚。堂奧不堅，雖強必危。垣籬不厚，雖固必蹙。故固東南者必爭江漢，規中原者必得淮泗。有江漢而無淮泗，固無以自強。有淮泗而無江漢，亦無以自立。蓋敵在淮南，則長江之險吾與敵共。敵在上游，而長江之險乃制之於敵矣。李忠定有言：六朝所以能保守江左者，以強兵巨鎮盡在淮南荆楚，而羊祜

亦曰江東雖數千里而其所便惟有水戰使一入其境則長江非復所保況宋人以
奔亡之餘踣跡餘杭錢塘震澤之波濤曾不能濡戎馬之足也自非中興諸將力戰
兩淮遼寧東漢而江天一望悉為敵有宋又安得駐足之所哉近於明初當偽漢未
滅時爭太平犯龍江福且迫於肘腋迨戰鄱陽而取武昌然後天下之勢大定春秋
之世吳王閻邈濤以連江淮而吳始與中夏爭衡楚人據上游以沿江漢而越達為
楚人所滅是知長江雖險而措置之道區區在皖城京口間者豈遂為得計哉故今
者湖廣之省會在武昌名雖在楚實以固江南之形勢也漕運之督府在淮安名雖
為漕實以控江淮之外險也內防嚴外險固而於揚之通州又設狼山總鎮北控淮
南控江東控海居中重地四面為援沿江諸營沂流設汛蟬聯魚貫輕重相維江之
為江蓋要如矣於是擇良將以鎮之習水軍以練之雖江岸之港口如線江心之洲
渚若棋而居重者馭輕防外者衛內往將滅跡鯨波蕩然東南半壁大何隙之可求

五印度形勢 黃琳材著

五印度為古天竺國一名身毒。幅員遼闊。地勢三角形。每邊六千里。其間大小數十國。從古不相統一。明初賽馬爾罕王諦母爾本元駙馬鐵木兒之後。兼并西域諸回部。遂南侵印度。歸入版圖。號曰大蒙古。建都於中印度之德布城。其國廣袤二萬里。歲收賦稅二萬二千四百萬。各國皆景仰焉。正德時有葡萄牙人初至西邊海隅貿易。既而荷蘭英吉利法郎機西班牙等國之商接踵而來。然大蒙古之王威權重大。人皆畏之。其後眾子爭權。內亂並起。各部酋長乘間跋扈。四分五裂。國勢漸衰。乾隆二十年。孟加拉土酋與法人密約。將境內之英人概行禁錮。斃其大半。英人欲雪此仇。調傾國之師。遣大將律記利夫統之。駛入安額河。竟獲全勝。於是東印度各酋長望風歸服。東勝席捲中南諸部。至乾隆三十年復又背叛。盡戮英人。英遣薩伊姑底奪復疆域。嘉慶十年盡驅法荷兩國駐印度之兵。以據其地。自是以後五印度之地。

歸英之囊括者十之七八。蒙古王亦納款。迄今後裔猶存。食租衣稅。徒擁虛號而已。其餘各部。或設官置吏。夷為郡縣。或輸稅納貢。降為藩服。英人於沿海建立三馬頭。一曰孟加拉。所以控其東鄰。二曰曼打拉薩。所以扼其南疆。三曰孟買。所以鈐其西。北。又於亞加拉島。得本若信地。諸部及錫蘭島。俱鎮以巨酋。戍以重兵。特遣勳戚大臣。為之總統。界以全權。便宜行事。每歲冬春二季。駐於孟加拉。夏秋二季。駐於巴勒里。額設英兵三萬。土軍十八萬二千有奇。或輪調駐防。或派充工役。其人半係釋教。半係回教。分門別戶。彼此如仇。互相牽制。免其同心謀叛。然前此兵變之事。往往有之。中東二印度。地勢平衍。物產殷阜。火車鐵路。六通四達。孟加拉之會城。曰卡里格達。實西南洋第一繁盛之區。樓閣雲連。水陸輻湊。居民八十萬戶。有地稅房稅招牌稅。畜牲稅。水火稅。百工技藝。皆有捐。一馬一牛。必納課。種種名目。不勝枚舉。夫賦稅如此繁重。而民無怨言者何也。蓋昔之土官番酋。率多殘刻。不知愛民。誅求無藝。以

視英人今日之政。不啻出水大而登衽席。又所入之財。仍為本地之用。除官俸兵餉之外。一切修治道路橋梁輪船。蠟車。電線。煤燈。學堂。醫院之類。民多便之。是以人心亦頗相安。南印度瀕海多山。山內之民。仍其舊俗。英人不煩兵力。悉俯首帖服。惟西北二印度風氣剛勁。好為戰爭。北印度為古之屬賓。西印度為古之月氏。二國境壤毗連。迭為興衰。互相吞併。今為塞哥及阿富汗兩國。尚稱強大。嘉慶年間。塞哥王名倫亞升者。獨叛教門。盡絕神佛。募歐羅巴人操練兵法。屢越境侵擾英之藩屬。道光十九年。倫亞宗孫嗣立。亦復雄武。道光二十二年。遂大舉南侵。乘英人不備。一戰而勝。英軍大挫。他部繼起效尤者眾。是時英人惶惶。惟恐印度不保。相持兩載。英將高拂卒破塞哥之軍。然後請盟議和。將拉維河南岸本若一部割隸於英。次第削平信地以下諸反側者。於是上尊號於君主。蓋前時侵佔印度。皆公司之所為。至是始歸君主統轄焉。阿富汗與英構難。前後數十年。或勝或負。時戰時和。大抵俄人從中撻

患也。去歲俄遣使臣駐紮甲布城。而英國使臣至。則拒而不納。從此失和。復興兵役。始因天寒地險。英軍不利。既而大獲勝仗。直搗甲布阿。王挾其宮眷輜重。逃避俄境。留其子阿古柏監國。不久阿王病殂。古柏襲位。不得已降志議和。割地酬餉。業已立約罷兵。奈民志不厭。忽於七月間倉猝變起。戕害英之大員。阿古柏之弟復因民心起而爭位。古柏進退維谷。內難外寇。一時交攻。乃讓位於其弟。夫英人之力。非不足以滅阿富汗。特留之。以為屏蔽耳。蓋意猶遠西回部如霍罕布哈爾基法等。蓋為俄羅斯所踞。與印度僅隔興都哥士一山。其山在巴達克珊國境內。即元太祖避暑行宮所在也。俄人覬覦印度之富。常懷攘奪之謀。遣人學習印度言語。煽惑民心。聯絡波斯阿富汗諸國。密約詭計。英人乃為隄防。重兵駐守隘口。不敢稍懈。頃聞俄軍游獵轉烏河一帶。印度大帥傳諭克什米耳土酋。豫為設備。俄人甚怪其越俎代庖也。兩雄並峙。勢若秦楚。龍爭虎鬥。日尋于戈。俄攻土魯基。則英扼之。英征阿富汗。則俄

尼之外雖結好和親而內實相猜忌也。夫印度自漢始通中國。武帝遣使從西南夷
指求身毒。為昆明所閉。明帝夢金人長大。所有光明。乃遣使天竺問佛道法。晉唐以
後。中土請經求律之僧。踵趾相接其間。凡有三道焉。一由和闐南行。經毒龍江。驢驘
經過沙河。入罽賓國。是為東道。即晉法顯北魏惠生所行之程也。一由伊犁西行。歷
霍罕至賽馬爾罕。折而東南。踰鐵門。渡縛魯河。越興都哥士大雪山。入克什米耳。是
為西道。即唐僧元奘及元邱道人長春所行之程也。一由葉爾羌西南行。循徙多河
而上。陟蔥嶺。至塞勒庫兒泊。再南逾印度河。是為中道。即唐元奘歸途所經之程也。
考中國用兵印度。惟唐太宗與元太祖俱獲全勝。貞觀二十三年。遣石衛率府長史
王元策使天竺。以蔣師仁為副。天竺王發兵拒之。剽奪財物。元策挺身走吐蕃。西鄙
檄召鄰國兵。吐蕃以兵千人來。泥婆羅即廓爾喀以七千騎來。元策部分進戰。茶鏑和羅
城三日破之。禽其王阿羅那順。俘男女萬二千人。降城邑五百八十所。元太祖親征

印度駐軍於雪山行宮。遣將追可弗入算端。至中印度。窮及申河。元史載有鐵門。遇見用端之事。憲宗之世。屢命師征取印度。然終以大雪山之隔。鞭長莫及。旋得而獲失之。夫三藏之地。與印度密通為鄰。中隔大山數重。綿亘數千里。峻嶺危峯。道途險阻。一至八月以後。則大雪封山。往來絕迹。此殆天之所以界限中外也。惟大吉嶺一路。最為扼要。由江孜南行。三站至帕克里。踰嶺即布魯克巴境。又三程至塔西。蘇登轉西南。三程至大吉嶺。約計五百餘里。為往來孔道。大吉嶺土酋降附於英吉利。其民言語風俗。與唐古特相同。地勢高寒。印度富商多築別墅以避暑。英國設領事官一員。其統兵副帥亦駐於此。修建碉堡數座。由大吉嶺乘馬車。一日至夕力格里。即登火車。一夜可達孟加拉。計鐵路三百邁。約當華路一千里之程。現在日加修治。不久即可直抵大吉嶺。竊觀此間。別無通都大邑。商賈會萃之所。乃英人不惜重資。開通道路。此其注意於通商藏地。非一朝一夕之故矣。蓋印度公司一意經營利之所。

在無孔不入。非必盡出於英國本意也。然彼知藏地為中朝所屬。不敢輕開邊釁。但詭計百端。用重賂以要結。布魯克巴哲孟雄諸番。入其牢籠。彼皆孱弱。不能相抗。惟廓爾喀一部較強。地形險要。民志勁勇。仰仗天威。僅能自保。當撫以恩信。藉固藩籬。一旦有變。足為先驅。從前濟甌聶拉木絨轄達四隘口。皆所以防廓夷。其他隣部未嘗滋事。故疎於設備。今時異勢殊。彼為輕而此為重。似宜於江孜定日帕克里等處。整頓邊防。以防履霜之漸。至若孟加拉之東。英人新闢一地曰亞山。一名阿賽。密長一千餘里。廣三四百里。北界布魯克巴。東界路翰野人。東南界緬甸。四境多山。惟蒲蘭布達江兩岸。平壤膏腴。近年墾地種茶。漸致繁興。特延閩粵茶師訓導土人。每歲出茶十萬緡。然終不若華產之良也。按西人地圖。亞山東北境距江卡巴塘。不過直徑二度。約五六百里而近。英人嘗言欲從亞山開路。直抵滇蜀兩省。較為便捷。此緣舊圖之誤。將藏地雅魯藏布江。連於亞山之蒲蘭布達江。其實藏江乃大金沙。

江之上源。從緬甸以入海也。大小二金沙江之間。尚有檳榔龍川。潞音瀾滄諸巨流。自亞山以東。已塘以西。江卡之南。騰越之北。中間一段。隔絕野番。曠古以來。人迹罕到。其道里遠近。無從稽考。然審其山川之脈絡。推其經緯之度數。廣袤不下二千餘里。山則重巒峭壁。無可梯繚。水則急流奔瀧。不任舟筏。雖有五丁力士。無所其施勇矣。亞山之東南。有數小部落。曰格路時。曰格士亞。曰正得爾。曰的壯亞。俱降附於英。再南海灣有新埠。曰徹地缸。曰唉克雅。在阿拉干部內。阿拉干之東。曰跋散。曰漾貢。曰摸兒面。曰黑尼。曰梯尼色領。皆通商碼頭。昔本緬甸屬地。道光以後。割隸於英。自徹地缸至梯尼色領。沿海七八千里。英國置吏戍兵。安設電綫。傳遞文報。悉統於印度大帥。故華人但知英之據有印度。財賦所出。倚為外府。而不知其所佔緬暹諸國。海濱精華之區。由印度直達星加坡。聲息相通。略無阻礙。尤為緊要也。若夫他國市埠之在印度者。則有葡萄亞之科機。在科曼海灣。連蒙在古塞拉的部內的。王亦海

旁小地。大尼之西枝普爾。在孟加拉部內。達郎給巴爾。在加爾那得部內。法蘭西之本得支黎哥黎爾二郡。俱在加爾那的部內。牙那安郡。在巴西爾加爾部內。商得爾那哥。在孟加拉部內。馬哈郡。在馬拉巴爾部內。不過一城一邑。寄頓貨物而已。孟買本葡萄牙所屬。後讓於英。麻力普爾本大尼所屬。距卡里格達四十里。亦美邑也。今為英人屯軍之所。已勒里界連後藏。嘉慶十九年。為廓爾喀所據。英人以數萬金。購還之。其大帥行館所在。曰新拉。有鐵路相通。各部遇有大事。仍由電報請命焉。雖相距數千里。而往返瞬息。無異面談。此五印度之大概情形也。大印度為佛教所興。漢唐以來。布滿天下。可謂盛矣。無何回教起自天方。漸染葱嶺左右。迄今印度之民。皆舍牟尼而拜派罕。驚嶺難峯。河山依舊。舍衛鹿苑。遺迹蕩然。所謂慧光照於震旦。而淨土反滋他族。良可慨已。其紅教黃教。行於三藏之內。外蒙古滿洲者。為釋氏之別派。此外惟緬暹越南三國。尚遵佛教。余觀釋氏以慈悲為主。持齋戒。漸致柔弱。

山教最堅忍。冥心孤往。百折不回。今復益之以天主耶穌教。力攻二氏。三教之勢。遂若冰炭。君子觀於教門之盛衰。而世運之升降。係焉。國俗之強弱。關焉。或稱印度為婆羅門教。實則此乃種類之名。非教之名也。蓋印度人分為四等。上品為婆羅門。凡首長職官。皆此族為之。其下為兵。為商。為工役。各世其業。無相奪倫。一出其類。則父母國人。皆非之。有塗畫眉稜額角。及印堂等處者。大抵雕題之舊俗歟。且夫五印度。因方隅以命名。孰東孰西。非有一定之界限。古今沿革。分合靡常。或易以蒙古語。或參以回部語。近世一變為英吉利語。求其一一吻合。不可得也。余繪印度全圖。一從今名。祈於核實。不敢有所穿鑿。附會於其間。於迤北部。落與三藏交涉者。特加詳密。俾他日攷古者。有足徵。亦籌邊者。有可據云爾。

西招番隘篇 蒙古松筠著

守邊之術宜乎審隘。繪圖使各汛官兵熟悉道路。扼塞方於緩急有益。譬如藏地。從前因防準噶爾侵犯。故自前藏東北哈喇烏蘇直至西北極邊阿里一帶三千餘里。原有卡防。其後仰賴天威。勦滅準部。通除後患。今卡防久撤。無庸備述。至若西南有薩喀有濟噶。有聶拉木。有綏轄。有喀達。有定結。有干塘。有帕克哩一帶。既為沿邊。既塞。皆宜審辨詳識也。聶拉木內有定日汛。守備一員。統領漢番弁兵鎮守。自定日三站至聶拉木。中隔通拉大山。既塞天然。定日西八站至濟噶。計有莽噶布堆官寨。洋阿拉山。葉塘拉山。宗喀城。靈瓦昌。峽察木卡山。梁招提。壁壘邦營。亦皆天然。既要。定日西南距統轄四站。中有山峽崎嶇。僅容一騎。又由定日西南入山。走札什宗隆邊。三站至喀達邊隘。在統轄起東中多既險。定日西北通通薩喀遊牧界。連阿里。此定日以外之形勢也。定日以南兩站至協噶爾官寨。是為大路。官寨迤西數里。巖峽聯

路一名羅哩一名果瓊拉實為協噶爾屏障。協噶爾之南亦通喀達僅四站。有吉拉以東南經春堆瑪布申仲烏拉山直抵薩迦廟。噶巴勒布卡契等貿易往復經此是為通衢。協噶爾以內兩站至甲錯大山中有羅羅塘汛大山。迤西地名拉固隆岡其西北越一大山係唐古忒世蒙波絨巴遊牧東連洋阿拉西接墨塘拉毗連薩喀東界其甲錯木為天險且有瘴氣內抵拉孜僅一站拉孜東南兩站至薩迦。噶拉孜又西北十站至宗喀沿途多險拉孜以內五站至後藏札什倫布沿途險隘有四自西而東一曰科頗拉一曰日東巴一曰彭錯嶺一曰格登山峽因於彭錯嶺東巖道築卡為隘此後藏迤西直抵拉孜之右路亦通衢也自格登山峽西南直抵拉孜之捷徑中有珠那龍山峽僅容一騎是為中路最為險要因於珠那龍築卡為隘自札什倫布西走那爾湯越達克拉平山。山麓札什倫布六十餘里至崗堅喇嘛寺分路西南通朗拉山。此後招重門保障今仿八陣之法於嶺頭堆立邪博六十有四經察龍蠻寨曲多江軍三處卡隘遇阿仲

位大山轉西。即至薩迦。是為左路。即貿易通衢。薩迦西南。亦通喀達邊隘。係由瑪布

霞爾楚國附陸邊子處共五站至喀達自喀達沿邊東行。四日可達定結邊隘。自札什倫布經那爾湯

對面入南山。走仁津孜塔克及拉固隆固。此一帶九山九溝險隘頗多共行四日至定結。而札什

倫布東九十里。有白朗官寨。此寨東南入山。經堆瓊官寨。金谷爾拉等山。金谷爾拉一帶皆為

脫走錯莫志。通海子南岸。共行六日至定結。由定結東行一站至干壩。又東三站至

帕克里。帕克里本名那木結噶爾和。不產糧食。是為藏地南界。此外東接布魯克巴所屬巴珠布拉小

部。而西南毗連哲孟雄部。哲孟雄人民。雖大半已被廓爾喀侵佔。然其部中有大河

名藏曲。所有河北百餘戶。仍能保護。部長依河據險。堅守自固。蓋藏曲水深溜急。難

度。源自喀達一帶。眾水匯流。至布魯克巴界而南。入噶里噶達部。唐古忒謂南界有

水域。無庸戍多兵。是為邊外阨塞。帕克里以內。四站至江孜。沿途多有阨塞。由江孜

爾一帶。有連山。黃石。自康瑪爾達南。開有山口。而江孜亦設守備。統領漢番弁兵鎮

帕克里。東西南三面皆山。北有海子。名薩木錯。

守。所有定日江孜二汛皆屬後藏都司統轄。自前藏西南行七日。共六百餘里至江孜。而西過白朗。共行二百餘里。乃至札什倫布。此前藏直達後藏之西路。至沿達阮塞。自前藏起。有曲水。有巴則。有春堆。皆在江孜以內。而江孜迤東。有錯納。有工布。均為前藏南界邊隘。前藏有通札什倫布捷徑。係由巴則山陽西北。經行仁本山溝。較之正路。可近兩站。尚有北道。由札什倫布東北渡江。走陽巴井遊牧。共十站。即抵前招。路程與正路相等。險有德慶東山巖道。有巴布賴長嶺。有瑪爾江。有喇湯。皆為阮要。如由湯巴井東北行三站。可抵達木家古遊牧。自此東北一帶。毗連三十九族遊牧。而正東緊接哈喇烏蘇。直達西甯。均係草地。由哈喇烏蘇轉向西南。過呼微經達隆。共行九站。可抵前招。中有阮塞。不甚隘要。此衛藏圓圍大概。僅述要隘。以示汛官。以重操防也。

西藏要隘考

黃沛勉著

蓋察地與者。貴原委之周知。而設軍務者。貴險要之備悉。今英吉利占據五印度。兼
井廓爾喀哲孟雄。一作錫金諸部。鐵路已開至獨吉嶺。一作獨吉其言重在通商。而
唐古忒部眾。又復迭次阻撓。難保不發生變故。且邊界野番雜處。萬一來擾。禍發
處堪虞。是則西藏南界之防。尤今日之急務也。查阿里之西岡噶江上游。有拉楚河
狼楚河。皆東水西流。合而南下。復折向東。有麻楚河。一作馬自阿里東南流出會之。
三水既合。始名岡噶江。又東南流二百里出阿里界。經馬木巴至尼納特克國入南海。其疆域
東自藏界麻爾岳木嶺。一作瑪爾向西二千一百餘里。南自匝木薩喇嶺。向北一千
餘里。東北近岡底斯山。周圍以岡噶江源流為界。疑即唐書泥婆羅。明史尼八剌國
地。為頗羅魯長子朱爾瑪特策登駐防處。有城十三。有廟五。其北界葉爾羌布魯特
其西為慕爾雪山。其南界廓爾喀。昔為洛敏湯作木朗地今併歸於廓阿里宗城。一名堆今為邊商總

匪之區。北路由乾竺特遊蕙嶺。可通俄羅斯。此阿里迪西地勢也。其自阿里起沿廓爾喀境東南行。其要隘曰薩喀。曰達即拉山。曰宗喀。曰瑪爾。曰滾達。曰卓黨。曰濟龍。曰俄龍。曰索絨。曰札木多。曰聶拉木。曰熱索橋。橋臨紐楚河水。於源滾達卓黨山南。經濟龍索聶手處。出橋下入廓境。又從聶拉木北行至絨轄。通通拉大山。至定日汎。又東南為札什宗。為隆達。為喀爾達。有朋楚河會二水入哲境。朋楚河發源定日西北。向東流結楚河。帕里河皆自東北來。節西南流入哲孟雄境。下流入雅魯藏布江。河北行至定結。又東北至干壩。又東至帕爾。又西南至噶里。通嶺即為哲部獨吉嶺。此阿里及後藏南邊要隘也。其由帕克哩北行至熱龍。面距江收汎一百四十里。又東行至仁子。又東為折拉。為倫子。為洛巴。有穆楚河自北來入索楚河。索楚河發源仁子。東趨折拉倫子洛巴南境。折東南流入布魯。布魯。迤穆楚河東行至咱義。其雅魯藏布江由阿里迪北之達木綽克喀巴布山發源。曲折東趨。受南北大小數十河。橫貫全藏。至甲噶咱義。折東南流入格翁野人境。下流離印度入南海。由咱義東行。迤雅魯藏布江。又東過烏蘇江。源出墨竹工卡以北。又下流入雅魯藏布江。

東過桑楚河至薄宗。桑楚河發源拉里以西之桑楚山東南流經薄宗出都九里又

東繞龍川江上游過怒江經洛隆至嘉裕橋再東繞道出王卡之西循瀾滄江西岸

又東南過江直抵雲南麗江府屬之維西屬蓋藏南沿邊一帶之要隘如此夫藏地

層岡疊嶂峻峭插天皆發脈於岡底斯山而蜿蜒分布者也。藏南沿邊一帶數千里

大雪急溜危端縱橫匝地皆會歸於雅魯藏布江而曲折南流者也。藏人統謂之希棋茶雅

山之怒江瀾滄江三水各起山河之險連勝內地一夫把隘萬眾趑趄而其稱名則難

更僕數也。後藏扎什倫布東北行至江孜汎西南行至定日汎皆孔道而定日距邊

較近尤為四通八達是均宜重兵鎮守者。乾嘉間惟防廓夷故於濟曉轟拉木絨轄

喀達四口堆立鄂博置戍兵。今哲孟雄布魯克巴。其會城名諸部落將盡歸於英吉

利疆場交錯玉帛兵戎何常之有。藏南沿邊一帶數千里地能不為未雨綢繆之計

詳審要隘而多設卡防也邪。

衡屢遭蹂躪頗以為苦。萬曆二十八年。阿瓦志懷報復。突與爭衡。遂服祜古。垂四十
 年。相安無事。乾隆初。祜古復叛。血戰十餘稔。卒獲全勝。直抵阿瓦都。生擒其王。而國
 反屬祜古焉。阿羅般以斐牖編樞之子。揭竿起事。招集土兵。恢復阿瓦國都。自立為
 王。盡收其舊地。又出師攻滅祜古。數年。祜古又叛。王山巴領親征平之。遂乘勝取暹
 羅。久之。仍屢敗。乾隆四十八年。血底臘疑勃老立起師。攻取阿臘干。合為一國。會西
 鄙之民。與孟加臘。英屬鄙人屢釁。致與英人失睦。道光六年。英人率印度兵來攻。
 緬人恃其習戰。視英人蔑如也。然紀律不嚴。進銳退速。卒為英軍所挫。進逼都城。緬
 軍大懼。不得已卑辭求和。割阿臘干等地與之。賠償兵費數百萬兩。傳聞講和時。津貼英軍兵餉。其國之富。足見咸豐二年。又以構衅議和。盡失南方祜古等地。現全境屬英人統轄。東連底臘。約英路一百六十里。東由仰光連瓦城。約英路三百八十四里。每日大車來往行人便之。瓦城作四方形。內木城一層。土城一層。凡三層。始至緬王金殿。今英人毀去土城二城。僅存方城一座。金殿改為督署。城內駐印度兵。以為重鎮。而目下緬甸疆域。僅存彈丸黑子矣。其國東西

越南考略 甯波龔崇著

越南即安南。世為中國藩屬。處雲南兩廣之南。東南二面。悉界南洋。西接暹羅。西北毗連緬甸南掌。形似長蛇蜿蜒。南北相距約二千七百里。東西闊處可七百里。窄處僅得其半。古交趾地。又名南交。秦屬象郡。漢武帝置交趾九真日內三郡。光武中興。以任延錫光為交趾九真守。教耕種。制冠履。立學校。女子徵側徵貳反。伏波將軍馬援討平之。建安中改為交州。前五代因之。唐初改安南都護府。安南之名始此。梁貞明中為土豪曲承美所據。自是迭相侵擾。國內屢不靖。旋為丁部領討平。宋乾德初。上表內附。以部領為安南王。是為外藩之始。部領傳子璉及瑄。大校黎恆纂之。傳二十年。為李公蘊所篡。李傳世八。都二百二十二年。至李昊昂無子。女昭盛立。避位於夫陳日照為安南國王。傳至日烜。元始祖遣使令入覲。不奉命。帝震怒。發兵討之。尋遣使謝罪。始免。陳氏傳十二世。凡一百七十年。明洪武二十一年。陳煒為相國黎季

斬所執李斬子蒼更名胡查。改國號曰大虞。永樂四年七月。命朱能張輔陳晟等率兵討之。俘李斬父子。詔求陳氏後立之。無所得。爰郡縣其地。洪熙元年。寇襲黎利作亂。朝廷命王通柳升討之。柳升敗死。王通棄地乞降。盟約而退。尋黎利奉表謝恩。懇准內附。詔命利權攝國事。黎氏傳十世。嘉靖元年。黎維禎為莫登庸所篡。命仇鸞毛伯溫討之。登庸面縛銜璧以降。詔為安南都統使。莫氏之後復為黎維禎孫維禎所奪。兼并占城。合為一國。其占城廣南地。即以左輔政阮氏世守之。國朝乾隆之季。前安南王黎氏甥阮福映盡有安南地。改國號曰越南。迄今世守藩封。朝貢不替。此越南沿革之大略。而藩服中國之實在情形也。

越南初本三分。北為交趾地。後名東京。中為神化廣南占城等地。南為真臘柬埔寨地。今已併為一國。分南北左右四圻。省十五。維疆域大小不齊。要皆窄隘無幾。僅比中國郡縣。北圻十五省。曰古邦。疑即古安邦府。或稱高平。曰諒山。諒山又名曰太原。曰宣

光武稱曰廣安。曰海東。蘇軾曰京北。以臨曰河內。即東京。故都在焉。曰山西。曰興安。

山南。曰南定。曰甯平。即清。曰清華。內省。曰又安。曰河靜。左圻二省。曰廣平。曰廣治。右

圻二省。曰廣南。曰廣義。左右二圻。中有富春省。一作廣德。畿內地也。京都仍省名曰富春。又曰西京。

本稱南京。承天府。古為順化。升華府治。國王以下。及各部衙門外。另設總督一人。節制京省。其餘內外

百官。皆彷彿有明舊制。廣義以南。為南圻十省。曰歸仁。曰富安。曰衛莊。一作曰平順。

曰邊和。一作番和。又稱平化。曰嘉定。即西貢會城。曰安江。疑即曰永隆。曰定祥。曰河仙。邊和以

下六省。昔屬真臘。東埔寨。後隸越南。咸同之間。漸次為法蘭西兼并。法立三十八年。元

三十九年。元不待。知實。入。逃。北河內省會。越南故都。即所稱東京。北。亦作。設有總

督。駐節。以資控制。兵連禍結。同治二年。和議成。法索償兵費四百萬。越南無所出。質

嘉定。以西三省。徐國。償足。法末。機佔。嘉定。等六省。為質。故設總督。於西貢。力征。經。粵

洵。光緒元年。所許。兵費。償清。越南。執成。言以。索地。法不。顧公。法頗。寒前。盟。議者。固早

知其事。甲。○國中。有大山。綿亘。南北。有河。港穿貫。東西。山中。洞。峽。幽深。頗饒。勝。致。河

中之事。矣。○港。類。出。西。境。山。中。惟。富。良。江。自。雲。南。發。源。上。游。以。港。紛。歧。深。頗。饒。勝。致。河

暹羅考略

甯波葉紫若

雲南之南。越南之西。為暹羅國。南臨大海。西南毗連各番部。西接英屬部。西北與緬甸錯壤。南北相距三千四百餘里。東西寬處千三百餘里。狹處幾不滿百里。本古暹及羅斛二國地。暹土磽瘠。不宜耕藝。羅斛平行而多稼。風稱沃壤。暹人歲仰給馬。逮元至正間。并合為一。明洪武初。遣使朝貢。進金葉表。二十八年。遣內臣趙達。宋福等。使暹羅。立嗣王文綺。永樂元年。遣使來京賀登極。十七年。詔諭其國王與麻六甲平。十九年。貢方物。謝侵麻六甲罪。國朝定鼎後。修貢職尤謹。康熙六十一年。上諭暹羅國貢使。言其地米甚饒裕。銀二三錢可買稻米一石。朕諭令分運米三十萬石至閩廣浙江。於地方甚有裨益。不必收稅。雍正七年。御書天南樂國匾額。賜之十四年。又賜御書炎服屏藩匾額。乾隆三十六年。國為緬甸所滅。旋恢復。故王無後。眾推大酋鄭昭華為長子華嗣立。詰封暹羅國王。至今繼絕弗替。五十五年。

遣使賀

八旬萬壽。受封爵。定十年一貢例。嘉慶十年上表言。攻緬得勝。頒

勅諭。解之初。西南沿海屬部衆多。著者曰六坤。曰吉德。曰大咩。曰吉連丹。曰丁噶奴。此數部。旋叛旋服。至今。仍隸版圖。南數部曰彭亨。曰舊柔佛。曰麻六甲。曰沙喇儀等。則久懷叛志。自立酋長。不復納貢。至柔佛部之新嘉坡島。麻六甲部之內華。吉德部之檳榔嶼。延袤數百里。皆為英人割據。南掌一名老撾。本小國。介緬甸暹羅兩國間。而分隸焉。北鄰隸緬甸。南部屬暹羅。各自立酋。歲貢方物。相安無事。此外部落尚多。難以備舉。曰宋曰嘉陵曰喇瓦。其總名也。地廣人稀。綜計之。得五兆有奇。國分郡邑。縣隸於府。府隸大庫司。大庫司者。規制略似中朝布政使司。猶地亞為其故都。在湄南河上游。新都曰曼谷。在湄南河淤島上。周十六里。城中有小河。可通舟楫。房屋富麗。樓臺雄壯。足為海南各國冠。廟宇更形奢靡。窮極工巧。都中復建王城。周二里有奇。宮殿用金裝綵繪。覆以銅瓦。室用錫瓦。街以美石砌成。規制極為整飭。通國之

富裕由是可見一斑

其地東西有重岡疊嶂。中則平原坦闊。邱阜寥寂。有大水一。曰湄南河。發源自雲南。至暹羅北境。會諸水成大河。迤邐至都城曼谷之南。數十里達於海。水深而寬。緩而散。田疇藉以灌溉。農時掉舟耕種。插秧既畢。水即泛漲。苗隨水長。不煩戽運。待水退而稻熟矣。故米價極賤。歲有餘糧。運以出口。此外物產。有金沙銀鉛錫鐵。暹羅礦產處准他國人開採。初辦無成效。自光緒十七年設立礦務局。兼用英人幫辦。凡請領執照及出貨各礦。又悉皆須納費數年。以未收數。傷賠增於前者三倍。連香龍涎香象牙翠毛鹿筋燕窩海參海菜蘇木烏木金鋼鑽寶石鳥獸中有孔雀五色鸚鵡犀象金絲猴等。又產羅斛。香味清遠似沈香。以地得名。按一千八百九十六年犯暹地亦不容他國侵犯之暹羅。賴此國無外患。政治遂蒸蒸日上。論者謂暹與日本同處亞洲。接壤而起。並峙南洋。近日日本欲與立約通商。而暹羅不重視。日與其意謂日欲與立約。非彼此平等相待不可。日本則所願甚奢。暹政府深以日要求為不然而且日公使資望甚淺。還以日不遺重臣是輕視之也。不允所請。即此獨立不撓足觀暹之進步矣。

蒙古考略
甯波龔紫著

蒙古壤地延袤為朔北屏翰。王朝藩服。東西相距五千二百七十餘里。南北二千七百里。東接盛京黑龍江。西達伊犁東路。南至長城。北逾絕漠。古雅莫幽并營五州北境。部落眾多。夏曰獯鬻。周曰獫狁。秦漢皆曰匈奴。唐曰突厥。宋曰契丹。自漢以後。匈奴稍弱。烏桓繼興。迨烏桓滅而蠕蠕盛。蠕蠕滅而突厥起。突厥滅而拜丹復強。元之先稱蒙古。居西北極邊。奄有天下。遂成一統。明定鼎金陵。元主遜歸朔漠。復其故號。遺種繁衍。諸部時擁眾侵邊。迄明季北陸不靖。國朝肇興。蒙古科爾沁部。率眾首先歸附。既滅察哈爾諸部。遂相繼來降。嚴正其疆界。立約會。有征伐并帥師以從。定鼎後。錫以爵祿。奉正朔。歲朝貢以時。奔走率職。極稱恭順。地分內外蒙古。部落三十有五。曰科爾沁。曰郭爾羅斯。曰杜爾伯特。曰札賚特。曰土默特。曰札魯特。曰阿羅科爾沁。曰敖漢。曰奈曼。曰喀喇沁。曰翁牛特。曰阿霸哈納爾。曰阿霸璦。曰烏朱

穆秦曰萬齊特曰巴林曰克西克騰曰蘇厄特曰喀爾喀右翼曰四子部落曰毛明
安曰烏喇忒曰鄂爾多斯曰歸化城土默特曰察哈爾汗阿拉善與額濟納二旗成
五十一旗之數東界滿洲南界長城西界甘肅關外地北界外蒙古外蒙古分四部
曰喀爾喀土謝圖曰喀爾喀賽音諾顏曰喀爾喀車城曰喀爾喀札薩克圖合旗八
十四東界黑龍江南踰瀚海接內蒙古西界甘肅關外鎮西廳與科布多地北界唐
努烏梁海與俄羅斯犬牙互錯本朝天聰七年瑪哈薩嘛諦車臣汗遣使來聘崇
德三年三汗並遣使來朝定貢物後因其國西接厄魯特每與構兵康熙十六年
詔諭兩國和好時厄魯特噶爾丹方雄鷲西北喀爾喀之左右二翼自相殘害二
十八年噶爾丹攻破喀爾喀七部舉族奔潰納欵內附其獲蔭庇三十年四月
聖祖仁皇帝巡狩邊外受其朝大會於多倫諾爾編定諸旗安輯其衆後噶爾丹
沿喀魯倫河南牧窺伺邊塞三十五年命駕親征至喀魯倫河賊衆駭遁大兵

擊之盡殲其衆。明年噶爾丹竄死。漠北悉平。喀爾喀諸部始歸故地。其從征有功者。晉封世爵。雍正九年。固倫額駙策凌以奮擊準噶爾功。授大札薩克圖汗。而外蒙古四部亦平。唐努烏梁海部與科布多地處西北隅。東界內蒙古。南界伊犁。西北并界俄羅斯。本元祖肇興地。乾隆年間。征服後。設定邊左副將軍鎮守。以其駐節於賽音諾顏之烏里雅蘇臺城。即隸屬焉。故於外蒙古後。誌其疆域如此。蒙古地雖遼闊。半稀若晨星。無地方官。以親王貝勒等爵為控馭。職皆世襲。朝覲貢賦。期一二三年不等。外蒙古通商事件。設有庫倫大臣管理。駐節土謝圖汗部之庫倫。俗最強悍。反顏尋仇。雖父兄亦不稍讓。畜牧必尋水草。叢生之處。行以車為室。止以氈為廬。冬時傍山營窟。以禦風雪。男女好馳馬田獵。不知稼穡。由是草米不闕。墳野無堪。倍形蕭瑟。近有北鄙華民徙居其地。從事種植。新次有振興氣象。其地高山環列。寒熱無度。九月行冬。今三月行夏。余冬時風沙眯目。雨雪經旬。夏時赤日行天。平沙炎熱。民生苦之。東南有內興安嶺。西北有唐努山。皆延袤千里。高插雲霄。陰山在河套之外。自西徂東。橫亘數百里。漢時冒頓單于依此山治兵。器器後武帝奪其地。匈奴過此輒潛出。涕馬然。山在土謝圖部地。漢車騎將軍霍去病破匈奴。遂登此山。勒石紀功。今班固作銘。北有郡。爾坤土拉河色楞格河皆合流於西伯利亞。加爾大湖東有敕嫩河。與喀魯倫河同為黑龍江上流。東南有潢河。東入為遼。遼於海。西有札布噶爾河。源科布多。東邊伊克阿拉克泊為蒙古大湖之一。與庫蘇古爾等三泊多賴以灌溉。

西北邊域考 邵陽魏源著

國家威被遠疊。際天稽顙。括地成圖。東盡東海。南盡南海。西不盡西海。北不盡北海。而欲徵圖朔。躬。馳輪弱水。厥制嚴武。至碑以博。竊鈎稽冊之道。聞。讓都樓之屬。史。除。盛京吉林黑龍江號東三省。為滿洲根本重地。不屬邊防外。其西北藩服。疆以戎索。網紀條列。可得而云。一曰正北內蒙古。亦有偏凡出口之路五。曰獨石口。張家口。古北口。喜峰口。殺虎口。口外四十九旗。皆曰內藩蒙古。合歸化城土默特二旗計之。合五十一旗。分東西六盟。其東四盟當東三省及直隸邊外。西二盟當山西陝西甘肅邊外。皆在漠南。皆聽天朝設札薩克。札薩克每旗一人。或世其部凡二十四。并歸化城則二十五。一曰正北外蒙古。亦有偏分西路北路中路東路四部。凡四汗。其汗有親王。即王貝勒貝子共八十一旗。自設札薩克俱在漠北。此漠北四部落。總稱喀爾喀。由正北進。西曰準部。即天山北路。喀爾喀之西。與科布多接壤。科布多橫亘於

準部喀爾喀之間。過此則伊犁東路界。準部本有四衛。拉特用兵後。以其為大泉落。曰伊犁東路。曰伊犁西路。曰庫爾喀喇烏蘇。曰塔爾巴哈臺。皆準之舊地也。今皆有重兵。稍東南近腹地。為鎮西府迪化州。亦準舊地。而稱安西北路。非天山路矣。由西北進西南。即天山南路。皆回子境。準部及蒙古皆古稱行國。回則漢書三十六城郭之裔。以哈密為北止境。以闐展為南首境。再東南則為安西南路。非天山路矣。由西南更西南。曰衛曰藏。曰阿里曰喀木。天朝設駐藏大臣司其事。而達賴喇嘛副之。藏王則虛存貝子爵而已。非有土之君也。衛藏曰前藏。阿里喀木曰後藏。正西曰青海。與藏與準皆接壤。界甘肅四川邊境。凡五部。有喀爾喀。有輝特。有土爾扈特。有和碩特。有綽羅斯。設青海辦事大臣一。凡衛拉特之人。亦可稱蒙古。猶喀爾喀之得稱蒙古也。其版圖不隸天朝者。又有西屬國。西屬國亦分三路。北路為哈薩克。近準部故。南路為布路特。為安集延。為溫都斯坦。為愛烏罕。為那木干。近回部故。溫都斯坦古中

印度西南路為巴勒布。為作木郎。為落敏陽。為布魯克巴。近西藏故。又有北屬國。亦分三。曰烏梁海。此亦一名而三處。在極北而稍東。曰巴眼虎。曰科布多。在北而稍西。科布多雖一國而隸之者七種。彷彿西之有青海馬大抵。大清國之北境。東起鴨綠江。黑龍江。逾兩蒙。古。西訖準部。袤二萬餘里。皆接俄羅斯界。故俄羅斯為北徼極大之邦。從古不隸中國。其水皆流入北海矣。視北斗則在南矣。以上東之八大類。惟蒙古最親附。其五十旗內蒙古。直雍冀幽并營五州北境。所謂漠南也。其新藩蒙古喀爾喀。則古漠北地也。秦漢時匈奴所居。冒頓強始并漠南。武帝時遁歸漠北。後漢為北匈奴地。歷代皆與漠南諸部為盛衰。至元太祖建都於此。曰和林。其後盡有漠南諸部。遂帝中國。順治末年。仍歸漠北。後始號喀爾喀。其七部有三汗。雍正中以額駙策凌奮擊噶爾丹功。封為四汗。我朝龍興之初。內蒙古歸附最先。每大征伐。帥師以從。而喀爾喀外蒙古。則康熙中為準噶爾破逐。款塞內附。

聖祖親巡塞外受其朝。復親征

東北邊防論 上海姚文棟著

俄自咸豐十年踰大興安嶺而南。與我劃黑龍江為界。由是東路天險全失。夫烏拉嶺者。天所以限東西。俄踰烏拉嶺而長駕萬里。直指東海。搖足唾手而盡有其地。大興安嶺者。天所以限南北。今俄踰興安。必將長駕南指。其欲又烏可限量。古人論守江必守在江外。守淮必守在淮外。劃江者必不能守。江。劃淮者必不能守。淮。今與俄中劃黑龍江南北分守。則黑龍江之險。其不足恃也明矣。夫吉林控壓東海。有混同江。松花河。圖們江。三海口。經絡其間。輪舟出海。五日至燕齊。十日至吳越。二十日至閩粵。萬里往返。直呼吸間事。決決乎表海之雄風也。庫頁島直混同江口。此如崇明之鎖鑰。長江臺灣之屏蔽。浙閩亦為要地。國初時此島原隸版圖。嗣為日本竊去。三易主而歸俄。屏藩一壞。東三省境地日蹙。遼寧於此。今吉林瀕海之地。及三海口。亦且盡為俄屬矣。夫以形勝之地。與敵而瑟縮退處於敵人藩籬之內。此所謂聚六

州之鐵鑄成大靖者。俄既有混同江海口。便要在松花江行船。往來腹地。吉林全省危機已萌。芽於此。俄既有圖們江海口。便駐重兵於琿春。以圖朝鮮。朝鮮危機。又伏於此。假如中俄有釁。俄在沿海及黑龍江中輪舟往來。十里若咫。而我奔走於叢嶺崎嶇之間。丈報遲延。兵士困憊。其勞逸不同。無論矣。尤可慮者。俄以兵船梭巡。平日准行之混同江中。則黑龍江省與吉林聲援隔絕。而黑龍江必危。又梭巡平日行船之松花江中。胡鐵花吉林來信云。此時松花江中尚無俄船。則吉林省城與甯古塔聲援隔絕。而甯古塔必危。夫同治初年。新疆淪陷。亦因回匪起事。哈密迪化城兩處。關內外聲息中斷。任其饑寒而西。束手不能救援。今言黑情形。頗與此相類。前車之鑒。未雨之謀。宜在今日。竊以為混同江至松花江中。宜練水師一支於沿江。三姓呼蘭齊齊哈爾阿勒楚喀。杜林伯都訥各城中。酌設重鎮數處。又輔以陸地旗屯。夫泰西諸國在長江中行船。假無操防水師。將有反客為主之勢。今俄人在混同江松花江中行船。事同一例。即

當仿照辦理。查會典則例。載順治十八年設吉林水師營。又康熙十三年自吉林移駐水師營於黑龍江。夫吉林黑龍江在

祖

宗朝為腹地。尚有水師防

營。今為邊地。又值多事之秋。則水師營之不可緩亦明矣。況參酌舊制。不必甚費更張。而於邊務大有裨益。至吉省拉林阿勒楚喀地方。江省齊齊哈爾呼蘭地方。皆有膏腴可耕之地。核計不下二千餘里。雍正十三年乾隆六年十年。皆有屯墾成案。其地在混同江兩岸。若辦理陸團。不特與水師有輔車犄角之勢。又可扼守嫩江松花江兩口。兵食胥足。節節有防。東徼可以安枕無憂。若黑龍江與俄劃中流為界。此與三國時吳蜀距江為守情事相類。所謂沿江上下。所在皆險。而尤以額爾古納河道入黑龍江口一處為最要。俄若闖入額爾古納河。進踞呼倫貝爾。則江省與蒙古聲息中斷。俄得以縱橫自如。江省既無自全之策。蒙古亦大有危機矣。


龍昌案大易稱王公設險以守其國。斯語也。聞嘗取以三復。而得其言外之意。蓋

險者地利也。兼言設則仍視人為矣。更繼指曰其國。又以明為王公者。責無旁貸也。古聖人縷細垂戒。深切著明如此。後世知此者。惟有宋藝祖經營汴城一事。何以言之。汴梁地處川原平行。無險可阨。乃於定都建城時。苦心規畫。凡內外街巷。周環一律逼窄。且使之曲折迂迴。後人不解。輒議變更。迨屢經狂寇蹂躪。卒賴此以限制戎馬衝突。敵不得逞。蓋至是始服藝祖之廟謨先見。而其於無險中設險。可謂深得義經秘要。而天下凡險之不可輕棄可知矣。我朝定鼎燕京。本恃東三省為屏蔽。而大小興安嶺。又東三省之屏蔽也。查彼處一帶。向多鳥道崎嶇。其低窪處或經雨泥濘。行者艱步。此正天生阻難。以之限隔南北者也。頃者中朝忽允俄人開通鐵路之請。任其沿途墊山伐石。展臂寬廣。徑造吉林等處。此雖一時權宜之舉。然揆之守國常經。無乃與設險之旨相背。宜外洋聞之。競相傳以為詫異也。前某報言外洋聞中俄鐵路之約。率驚傳以為本朝向力保護其夫高發祥之地不准洋人入其境。今乃自變其本來面目。殊深詫異云云。

麗遠處東三省外。冀猶以為東陸邊雖所繫。尚竭力保護。以致釀成甲午之禍。而不惜。況黑龍江等處為京都切近藩籬。顧一旦無故撤去。聽其脆突耶。恭讀乾隆二十八年八月 上諭。俄羅斯驛遞來人在理藩院呈遞薩納特衙門文書。內稱伊國東北邊界居人被災。現造船輓運口糧。必由東路尼布楚地方。陰葛達河額爾河及黑龍江行走。求勿攔阻等語。切其我羅新美定一一依此。並與界邊人運送什物一項。已交該院行文飭嚴矣。但外夷不識事體。將軍綽勒多即交臺站官員。晚諭伊等。務須加意防守卡座。勿令私過。儻不聽阻。止恃強前行。臺站官員報到時。綽勒多即酌派官兵擒拏。照私越邊界辦理。天語煌煌。仰見慎固封守。防周久遠之至意。夫邊疆所關。踰界行走。且不可。況鐵路一開。此後長驅腹地。如履門庭。縱彼國賢君良相。堅守舊約。不妄開衅端。此外保無奸人乘隙潛圖不測乎。夫彼之來固藉口通商也。即以通商論。彼於我國廣植利權。以兩貨來。以我賄運。豈知彼之肥我之瘠耶。計中國自

各口租界開設以來至今幾既民然試為熟察情形。究豈專為商務起見哉。觀前
窮財盡何堪於此更增一大禍。后年英造印度加拉地鐵路一千英里。因無大利。將停止其工。現以俄之支絀。乃築
鐵路五千英里於荒磧。未見利之區。抑獨何心。此固不待知者而見也。且彼自開
準海參崴。既厚積兵力於琿春黑頂子伯力雙城等處。尋又於悉爾格烏蘇里等
河。及松花江嫩江黑龍江諸要口。籌添水師。種種不遺餘力。果何為耶。蓋彼數十
年來。南向爭雄。為英所扼。一阻於水凍海口。再阻於阿富汗。既不得志於西歐。故
轉而肆力東亞。乃適中東構釁。既獲乘間聯服朝鮮。而我又以遼東之故。准其接
通鐵路。似此絕大便利。唾手而得。彼至此以為我真墮彼術中。輒相與自鳴得計。
而其陸軍少將鋪加脫氏。窺探西伯利亞一帶。與我錯壤形勢。著中國邊事論。於
其間闡隘夷險。攻守情勢。以及追兵運糧諸要。厯厯縷指。反言相譏。并其國積年
陰謀。已一一畢露於言表。而謂此次鐵路之約。專為通商。果誰欺乎。即斯以言。則

有謂聚十六州之鐵不能鑄此大錯者。夫固不得遽訾為杞人之過慮也。嗚呼。世事何常。未來之機。固未可以逆料。善後之策。總宜早為備。籌。將來鐵路開通。我中國似應仍守設險之旨。更與詳定條議。嚴杜宵小。平日除搭客運貨外。凡兵勇軍火。均著為厲禁。毋得私載。鐵路經行各處。添設上中下卡。倫敦道。每次檢查。然後放行。而我恰克圖烏爾稽及遼東之雅克薩琿春齊齊哈爾吉林各地方。均通駐重兵。按築礮臺。以為開警時中途邀截。迎頭堵禦之用。至於鐵橋如何轟毀。鐵路如何衝壞諸法。均逐一講明。庶聲勢所震。敵人知我有備。不敢輕於發難。即敢為思啓之謀。或者緣此潛消。而彼此從茲得永保和好。長享太平於無窮也。斯不特兩國幸甚。天下之民幸甚。



邊防 楊潮記

易曰王公設險以守其國。非險則國無所恃。不守則險無所憑也。昔者南仲往城朔方。燕昭築城上郡。趙王列塞陰山。秦皇收取河南。安邊之計。歷代為昭。夫九遠東迄連海。西盡酒泉。山川聯絡。延袤萬里。固大造之金湯。以分疆域之内外者也。列營分鎮。基布星羅。雖古今異宜。而險阻長在其於事勢。可得而言。遼東古幽營地。國朝建州五縣。錦州府領一州二縣。東至鴨綠江。西至山海關。南至旅順口。北至開原城。三面瀕夷。一面阻海。乃燕京之左臂。東北之要區。其降夷之內處者。遼陽則安樂州。開元則自在州也。其諸夷之外附者。東北則建州。毛憐女直等衛。西北則桑顏福餘秦寧三衛也。明初分衛世官。互市通貢。其後措置失所。屢啟憂虞。今稽其略。山海乃其門戶。三岔口乃其腰脊也。若寧遠前屯。背山面海。一線之地。則其路易截。開原鐵嶺。阻東絕北。兩肘皆夷。則其遠難守。自非據大小圍山。不能斷寧遠之出沒也。非阻

東西金山不能緝開原之窺伺也。至於廣寧錦義為平坦之途。海蓋復金並屬海濱之地。其間要害亦有不同。夫路平者寇易入。然守廣寧者其險有二。一連備鎮靜寇自不能北來。駐三岔寇自不敢東渡。且濱海者寇稍遠。而控金海者其中亦有二利。望旅順則漕運可以給其需。引海場則魚鹽可以擅其用。若乃東南阻鴨綠。東北阻混同。朝鮮為我之外藩。藉以捍倭寇。長白為我之屏障。藉以扼高麗。又極東之要略也。抑我聞之。廣義之際。澤多渾泥。行軍之時。宜防陰雨。況在今日。根本要地。遼左改為奉天府。遼右改為錦州府。兩府之間。倍重他鎮。倍重他鎮。則應屯宿重兵。屯宿重兵。則多轉輸糧餉。今為運計。亦為三途。然陸路由山海而達前屯。則飛輓為勞。海運由天津而達廣寧。由登萊而達瀋陽。則覆溺又可虞。故須大開屯田。乃為一方長便。前州古大寧地。東接遼東。西接居庸。東西應援。是為外邊。又起古北口至山海關。層立城隘。是為內邊。當大寧未失時。宣遠之聲援如響之應也。京邑之屏障如絡之包也。

乃自兀良哈既得其地。朵顏衛曰肆其驕。正統中有土木驛之變。嘉靖時有古北口
之入。亦以三衛失援。反為嚮導故也。夫前邊一帶。當以黃花鎮古北口入達爾等處
為首衝。以石塘嶺白馬關黑谷關等處為次衝。以馬蘭谷太平寨喜峰口為又次衝。
然而沿邊形勢。每多未便。山險盤曲。道路崎嶇。有事則往來策應為難。無事則延綿
設守為難。惟有橫山一議。庶可稱為得計。嘗計內邊。東自龍井。西至黑谷。邊城斷折
六百餘里。外有橫山高峯。窺見內地。盈虛今若撤守內邊。修築外口。則橫山迤邐百
五十里。腹地一區。約田千頃。有山可守。有田可耕。且以守六百里之人。移守百五十
里之地。豈不綽綽然簡且易哉。宣府古上谷東地。東西一千二百里。外東起薊州黃
花鎮。西至大同平遠堡。山川糾紛。形勢險阻。易為戍守。難於耕植。洪武設衛開平。沿
途建置八驛。東有涼亭沉河。西有黃哇四驛。直接大寧。西有桓州威遠。由明安堡四
驛。直接獨石。夫開平南環深。水北真龍岡。即蒙古之上都。乃宣遼之重地。永樂三驛。

北庭皆自此間出入。無何大軍既亡。興和亦廢。開平孤立失援。乃於獨石置路。此宣府所以遂為京師重鎮也。宣府前案紫荆。左控居庸。右連倒馬。而東西之四海泊。上通開平大路。西路之浮圖育峪。橫拊紫荆右腋。尤稱要途。不可忽也。至於雙峰山龍門峽野狐嶺。形勢高峻。可立瞭望之墩。愛陽河為塞。泊順聖川。水草甘肥。舊為放牧之地。為綢繆之計者。自應留意焉。大同古雲中地。東西六百四十餘里。外接順義。東王并。把耶吉。扯力克等部落。自宣府西陽堡。西至山西了角山。川原平行。無險可恃。多有犬舉之寇。莫限戎馬之足。所恃者。興和開平環抱於東。榆林豐州圍繞於西而已。明初分封。設為三路。東則天城陽和。中則左衛右衛。西則平虜威遠。寇由東路。則順聖諸城。是其必犯之衝也。寇由中西。則朔應諸城。是其必窺之路也。而平鹵西連老營。直接偏頭。望黃河咫尺之間。皆金寇浸沒之處。夫漢人據河為守。唐人守在河外。而明人棄豐州又棄東勝。則四面之險俱失矣。姑言其略。陽河天城一路。則凡黑白羊鵝諸險宜守也。左右

二衛一路則華皮溝牛心堡兔毛河諸險宜守也。平甯老營一路則黃家山井坪城紅山堡諸險宜守也。雖五堡修築藩籬稍固而大邊之外即為豐州其地素稱沃饒北寇駐牧於此厝火積薪所宜深慮山西亦雲中地東西六百餘里外東自了角山接順義王等部西至老牛灣外藉大同為藩屏內恃三關為阻蔽如寧武居兩關中間當東西要路外接八角堡內維奇嵐州蓋楊方之戶義井之門也雁門通忻州代郡之路當朔州馬邑之衝賊入二衛勢必首犯東越廣武站則北樓平刑皆為敵衝西越白州溝則夾柳鵬寨其非要守至於偏頭西泊黃河舍寇僅隔一水其為保障倍急他邊是故三關險要雖同而偏頭為急十八隘口雖同而胡峪口楊方口石峽口尤急河岸渡口雖同而娘娘灘太子灘尤急蓋廣平東勝失而三關重三關重而偏頭尤重固其勢也說者徒知楊方啟塞則大同之外藩不可恃不知老營啟塞則偏頭之無外藩者尤可憂也若因山澗之欽崎為屯守之形勢自老營以接平甯自平甯以接大邊

東西聯絡。難垣嚴固。則入角墩而南。陽方口而東。庶幾少可息肩。而固山西即所以備京畿矣。榆林即延綏地。東西一千五百餘里。外接西屯。北兒等部落。舊治綏德。後徙榆林。東起黃甫川。西至定遠營。墩堡勾連橫截。套口。誠雄鎮也。然地道荒涼。不宜耕牧。其始也。綏鎮未移。捐米貽魚河。而膏腴之地喪。採樵之路窮。其後也。綏鎮既移。又棄河套東勝。而圍獵之利去。輓輸之患愈艱矣。且夫榆林東有雙山堡。寇由此而窺綏德。則我兵之在東者。恐無險而不能守矣。西有花馬池。寇由此而入固原。則我兵之在西者。恐路遠而不能援矣。且也。亂峰駁野。堵峽。是直衝魚河之梗。寇若掠魚河。則可以斷榆林。綏德而為兩矣。且也。定遠營橫城堡。皆平行沙漠之區。寇若近黃河。可以撼榆林。寧夏而俱震矣。張仁愿之烈。魏乎煥乎。猶可想也。余肅敏之蹟。功乎罪乎。未可定也。寧夏古河西地。東西一千八百里。外接超胡兒等部落。賀蘭環其西北。黃河際其東南。內有漢唐二渠。可以引水溉田。沃野千里。可屯四十萬頃。轉輸既省。而邊壘又堅。自景套以後。靈夏外險。

轉居河南。深山大河。勢反在彼。夏秋則用渾脫浮渡。擾吾河東。嚴冬則踏堅冰。猝入
乘我不備。而花馬池一帶。為其利涉之衝矣。試言其繫平固其一路也。險在新興鹽
山靈武等處。靈夏其一路也。險在赤水馬跑玉泉等處。中衛其一路也。險在東固柔
遠舊安等處。花馬池其一路也。險在定遠清水興武靈州等處。而靈州北臨廣套。西
控大河。實靈夏之咽喉。中原之門戶。靈州不守。則寧夏隔為外境。環固子立無援。此
防禦之大略也。然則四路敵情。花馬最急。寧夏次之。平固次之。中衛又次之。今若虞
中衛之孤懸。則在修觀音口鎮關墩之險。慮平固之卑弱。則在修黑山營鎮遠關之
險。慮寧夏當山賊之衝。則宵化堡之外宜防也。慮花馬當套賊之衝。則楊柳屯之上
宜防也。至於清沙硯以北。紅寺堡以南。徐斌水以西。鳴沙州以東。草木繁茂。水泉多
存。所稱小河套者。非又在敵為利。在我為要者乎。固原古隴西地。黃河環於後。峭崿
距於前。與寧夏為唇齒。以花馬為大門。而獨石溝至靖固營。每遇寒冬。黃河水合。由

賀蘭山後。踏冰馳蹕。則蘭靖安會俱被兵鋒。議者欲添沿河之堡。屯久戍之兵。非迂圖也。蓋陝西以延安為藩屏。花馬為門戶。固原為堂奧。而蘭靖為固原之要路。定火城又為蘭州之要路。裴家州又為蘭靖之要路。棄定火城。則無以屯銀兵。棄裴家州。則無以開營田。藉田卒以守河南。藉銀兵以守河北。此兵食交足之原。不可不講也。甘肅古河西四郡地。東自固原鎮。西止嘉峪關。漢時武帝所開。以斷匈奴左臂者也。明初限以嘉峪。而不及燉煌。由莊浪迤南三百里為西寧。古湟中也。由涼州迤北二百里為鎮番。古姑臧也。又設蘭州衛於金城。肅州衛於酒泉。甘州衛於張掖。皆屯兵拒守。而千里孤懸。觀其形勢。四顧叢梗。經略未易言也。甘肅西扼回戎。北拊強胡。南連羌部。勢臨斗絕。固稱強鎮矣。而涼州之地。實為咽喉。雖古浪扼其東。永昌捍其西。鎮番當其東北。播是之故。不甚憂虞。然措置或乖。風鶴告警。涼州一失。甘肅非我有矣。夫涼州豐美。尤宜屯田。昔人謂屯修於甘。四郡半給。屯修於甘涼。四郡粗給。屯修

於四郡則內地稱懸矣。乃若莊浪北枕烏梢。南臨黃河。松山左峙。分嶺右據。亦西河之肘腋。蘭州之肩背也。至於西甯。居黃河青海之間。富峽口閘門之路。而西甯衛治在湟南。碾伯所治在湟北。故論者以西甯之危。危於碾伯。使套治跨莊浪而據巴。海氛挾羌部而薄鄯善。聲連勢合。外險動搖。吾恐涼永諸城。反在垣戶之外。而兆岷一帶。猖獗而起者。其憂且將延及於川中矣。其在今日。經理稍殊。古北口鎮以提督。宣化鎮駐以總兵。馬蘭口真定協駐以副將。此直隸邊之控制也。太原府治以巡撫。大同鎮駐以總兵。寧武協利民路駐以副將。此山西邊之控制也。西安蘭州各駐以巡撫。固原甘肅各鎮以提督。延綏興漢涼州寧夏西甯各駐以總兵。此陝西邊之控制也。西南之國。安南為近。占城次之。爪哇淳泥諸島又次之。安南古之南交。秦之象郡。漢之南越也。漢初趙佗王據之。梁時曲承美據之。已而并於劉隱。已而并於丁璉。自宋以後。黎桓奪丁氏。李公蘊又奪黎氏。陳日照又奪李氏。自明以後。黎季犛復。陳

李擴復反。莫登庸又封。於是三姓互爭。更相割據。初則郡縣於永樂。後仍封立於洪熙。大抵五嶺以南。地方遼阻。以悍相尚。以富為雄。一年再徭。一歲八蠲。桑麻蔽野。魚鹽擅利。其國東至大海。西至老撾。南接占城。北連思明。東北接廣東欽州。西北連雲南臨安。橫一千八百里。縱一千七百里。王有二都。道分十三。江莫險於富良。城莫固於多邦。至於控其形勢。厥有六途。以廣西之師出平祥州。以攻難陵關隘。留關而根本搖矣。以蒙自之師渡蓮花灘。以攻猛烈柵華關隘。而肩臂折矣。且以瓊海之師助占城而擊其南。以臨安之師檄老撾而擊其西。以欽州之師越猫尾港而出其左。亦可海道從烏雷山等處。統出於都齊。以龍州之師越羅回峒而出其上。亦可間道從歸順州等處。直下於諒江。六路並進。三窟俱窮。行軍方略。大抵如斯。若其地多產象。衝突可虞。則畫師蒙馬。有宗慈之計。在神機火銃。有張輔之計。在况一箭落其象奴。再箭落其象鼻。驚奔遠踐。適以自傷。鳴諸葛之鉦。而建伏波之柱。庶幾乎近之。占城

古之越裳。秦之林邑。漢之日南也。其俗獷悍。勇於戰鬪。地多象馬。人重浮屠。其國南接真臘。北抵安南。東際大海。西抵雲南。自漢末始稱為國。王其初則仍在版圖者也。他如瓜哇。多廣東之客。浮泥。愛中國之人。古俚。蘇門刺答。據西洋之要地。阿丹。國三佛齊。為海島之最強。滿刺加有五嶼之稱。暹羅。斛即赤眉之種。真臘。分水陸二國。蘇祿。有東西三王。柯枝。則國人五種。貴賤有章。溜山。則弱水三千。舟船易溺。淡巴。稱為樂土。波羅。悉是善人。錫蘭。山地廣人稠。祖法兒體。修幹大。其餘諸國。未易勝言。總之西南一帶。多珠寶。產牛象。氣候則多熱少寒。教化則尊回敬佛。而貢道皆由廣東以達京師者也。西方之國。惟西番之種為大。哈密之路為要。而火州等處次之。西番即吐蕃種類也。唐貞觀時。朝貢始來。元世祖時。郡縣其地。地薄氣寒。風濤俗魯。貴壯賤弱。重利懷恩。法令嚴整。上下一心。其山川則崑崙峙其北。黃河經其西。其種落則散處河湟洮岷之間。嘗寇陷文黎雅之境。然羌戎長於在山。短於平地。且一日無茶。則

苦病。腫一日無腐則苦蛇。昔人所謂閉關絕使。可制西番者此也。哈密古伊吾廬地也。燉煌之西。大磧之外。北連瓦剌。南抵沙州。西距火州。東接嘉峪。有明六衛之一。所以斷羌胡往來之路。立甘肅內外之藩。其五衛者。一曰安定。一曰阿端。皆韃靼部落也。一曰罕東。一曰曲先。皆西戎部落也。一曰赤斤。塞口則秦之月氏。漢之酒泉也。其後六衛衰微。遂悉為土魯番所破矣。土魯番古交河縣。在火州西。氣候多溫。土地宜穀。嘉靖以來。地大人眾。於西夷內。數起戎心。火州漢為車師。涼為高昌。唐為西州。亦為回鶻。其天氣溫熱。地道卑下。俗有文字。人好騎射。山則靈山。天山。火焰山。為大水。則交河。漸海。蒲類海。為大。撒馬兒罕。在哈烈東。漢屬賓也。風景偉麗。土田膏腴。地界平原。人物秀美。據鐵門關。為險阻。臨河。水河。為大川。亦力把力。在沙漠間。漢為者也。唐無城郭。人逐水草。俗多獷戾。政無紀律。山名蔥嶺。而食惟酪。水名熱海。而氣長寒。他如哈烈。在撒馬之西。于闐。在蔥嶺之北。黑德那。為回回祖國。五印度。為佛王所

居大食波斯新極西郵之境。大秦安。息。直。尊王母之都。無不載在針經。亦皆可考。而
識。但少張騫之奉使。鄭和之下洋耳。北方之國。惟韃靼之種為盛。惟女直之部為強。
而兀良哈次之。韃靼東抵兀良。西連撒馬。北盡沙漠。種落不一。夏曰德。周曰獵。仇。
漢曰匈奴。唐曰突厥。宋曰契丹。國內部衆互為消長。其始也。匈奴弱而烏桓遂強。烏
桓滅而鮮卑復起。鮮卑衰而蠕蠕復盛。蠕蠕衰而突厥復大。突厥亡而契丹復興。其
後也。契丹稱遼。復為女直所滅。女直稱金。又為蒙古所滅。蒙古稱元。終為明祖所滅。
夫驅除雖盡。而部落易繁。據有沙漠之區。時寇邊郵之地。貪而無厭。黠而無信。非有
封浪居而勒燕然者。未易以屏之使遠也。女直西接兀良。南隣朝鮮。長白山之前。混
同江之東。古曰肅慎。漢曰邑婁。魏曰弗吉。唐曰靺鞨。元曰合蘭府。明曰奴兒干都司。
在南混同江者為熟女直。在北黑龍江者曰生女直。又一種為苦兀。又一種為北山
野人。又一種為女直野人。性俱勇悍。地亦開拓。昔謂女直不可滿萬。滿萬不可當。然

而立馬吳山看花洛陽中國豈直無人之境耶元良哈古為山戎氏永樂初封馬哈木為寧順王封

阿魯台為和寧王正統中也先大舉入寇馬哈木之孫也成化中小王子復元為大

通貢也先之後也其次子曰阿著者生三子長曰吉囊次俺答次把都元為大

寧路明為三衛地自白雲山渡遼河至錦義為大寧自黃泥窪逾瀋陽至開元為福

餘自廣寧前歷善峰近宣府為朵顏朵顏最強分地又險迫近瀋難之地宜深肘腋

之思慨勝代之失謀欲噬臍而無及矣大抵西北一帶土氣漸寒人性多悍多馬牛

縱畜牧以射獵為業逐水草而居食酪衣皮貴壯賤老行以車為室止以氈為廬與

華夏之風固迥然殊也總之安邊之策未易輕言非德威無以要荒非兵強無以服

山曠非設險無以捍寇仇而固邦國非興屯無以養士卒而省征徭況時勢之強弱

異宜夷夏之長短異技非有成算何以安穩今舉其大端惟有擇將吏以撫綏衆庶

修紀律以訓齊師徒耀威以佐德柔遠以能通禁侵掠之暴以彰吾信抑攻取之議

以安戎心彼求和則善待而弗與結盟彼為寇則嚴備而不務報復守此而行之所


為坐鎮中外。護北門者也。於是修封疆。守要害。塹壁。障。障。臺。軍營。謹禁防。明斥候。務農以足食。練卒以蓄威。寇小至則張聲勢以遏其入。寇大至則謀潛避以要其歸。據險以乘之。多方以悞之。使其勇無所加。眾無所用。掠無所獲。攻則不能進。有腹背受敵之虞。退有首尾難救之患。所謂乘其弊不戰而屈人之兵也。古人豈無所見而云然哉。故古今邊事別無奇謀。有言棄邊者其人當斬。有言開邊者其人亦當斬。不微倖苟免。不啟釁邀功。護國安民。惟有守之一着在。


龍昌案自古保國莫先靖遠。夫靖遠豈易言哉。大抵疆域所分。即禍機所伏。如積薪厝火。危莫危於是矣。然古豈無處至危之時而竟克自立於不拔者。如晉人備壽陽合肥。劉石即無能逾淮泗以圖晉。諸葛守漢中。曹魏即不敢越南郡以窺蜀。張浚鎮荆襄。女直即未由跨漢沔以謀宋。是數國者。豈其勢足制敵。蓋合全力以抗一隅故也。今則環而峙者不止一國。分而備者拒猶一隅之比耶。夫古者天子

守在四夷。誠以四夷內屬。或為賦脫地。或為瓜牙臣。相持相保。借以遙遙拱衛。所謂藩籬固則堂真自安也。乃我中國自成豐八年。與俄定約。愛琿於是俄地始跨混同江。駛駛入於吉林。十一年勘界黑龍江。而烏蘇里河以東二千餘里。賦脫地舉以畀之。同治九年。天津之釁。乘間南下。徑越圖們江。佔我琿春。創立海參威埠頭。東達於海。由北而西。則包我外蒙。古烏梁海。喀爾喀。科布多。迄於伊犁。光緒初。復退吞霍罕。機窪一名布哈爾等回部。於是又與新疆諸回密通。英自據有印度。北踰蔥嶺。南併緬甸。不特薄我藏地。又且進逼滇疆。至於法人。自同治初。脅制安南。因蠶食真臘。侵及暹羅。至甲申之役。遂舉全越歸其囊括。而兩粵又在在與為犬牙。若此者。此我陸路邊陲情形也。至若海疆一帶。香港屬英。澳門屬葡。昔年已事無論矣。近則日本肆其憑陵。始則琉球。繼傾高麗。尚復狼貪不已。至并我臺疆千餘里。南屏又無端據割。似此邊疆日蹙。以陸則如彼。濱海復如此。立中原而弩

目視不已。藩籬四徹耶。嗟乎。已而滅而耶耶舉。汴梁棄而臨安危。鼓鑿不遠。無滋杞人之懼耶。矧今日有英法俄德我三面。又爭造鐵路。以通內地。如英之印度。自孟買發軔。一由夕力格里達克什米爾。北抵廓爾喀。分支至大吉嶺。與藏地為鄰。一由緬之仰江。以達阿瓦。徑距滇邊。俄則近方理營。西伯里亞鐵道。擬自彼得勃斯徑達海參崴。又由阿摩斯分道。南通伊犁。法則於越南之西貢謀山。極力開通。將來粵東之欽州。粵西之龍州。雲南之臨安。各自諸境。舉可朝發夕至。夫端萬里於咫尺。爭利於陸。則恃火車。爭雄於海。則恃兵輪。頃倭獲我兵費。方購鐵甲。大治海軍。南洋重險。又可恃而不可恃矣。由斯以言。天下大勢。輻輳之依蓋亡。肘腋之患日迫。時局之壞。乃一至此極耶。又况曉曉者。晚狡焉思啟者。之不僅英俄法日耶。雖然。氣數盛衰。運關天道。時事整頓。責在人為。從古治亂。有何成。而亦顧而起承之者。之說。曰。措置何如耳。閩省歷考載籍。綜觀古今。竊以為靖遠之策。

大要有四曰修德曰講信曰扼要曰得人如月觀治安韓琦自爾相率權綱唐太
觀四年韓琦遣使入奏上曰韓琦遠來此突厥已服之故也昔此修德之驗也羊
人謂禦戎無上策朕今治安中國而四夷自服豈非上策乎此修德之驗也羊
陸輯鋒鎮從此無事驚心晉羊祐還鎮專修德信以懷異人陸抗告邊城四破
也此講信之驗也巡遠守險睢陽小邑中原可以力撐張巡許遠守睢陽大
此扼要之驗也韓范在軍羌胡強虜聞聲亦為膽落范文正公與韓魏公俱為西
賊聞之心骨寒軍中有一范因此得人之驗也四者之效昭昭不爽仿而行之又
賊聞之驚破勝元昊權遂稱臣此得人之驗也四者之效昭昭不爽仿而行之又
何時艱之足慮耶况乎時艱之來固天所借以為警覺提撕之具者也傳曰自非
聖人外寧必有內憂子與氏曰生於憂患我中國於此累其君臣上下憂切臨履
相與急起發奮舉向來因循粉飾蒙蔽諸積習一旦捐除共揚履霜冰堅之戒早
慮桑土未雨之謀就所謂靖遠四策一切實奉行焉因禍為福即化弱為強於
以奪回使地臣妾遠洋固可操券俟也書及此慨歎深之又不禁拭目望之





軍防六

沅南陳龍昌成叔甫輯

籌海策畧

天下沿海形勢自旅順環繞盛京天津山東至荻水口入江南界四千四百餘里自荻水口至吳淞入浙江界千里自吳淞至蒲門入福建界一千三百六十里自蒲門至南澳入廣東界一千二百里自南澳至廣西欽州入安南界三千二百八十里合計首尾凡一萬七百餘里其為防守誠不易言然有要道焉失其要則易者難得其要則難者易厥要奈何一日扼要害一日絕樞汲海疆要害與陸不同陸地可堵而守之海疆必截而擊之案遼海以旅順口登州之燕臺威海成山為要害有重兵截擊則夷船不敢越此而犯盛京天津等郡縣浙海以馬蹟陳錢為要害有重兵截擊則夷船不敢越此而犯淮海登萊等郡縣閩海以廈門澎湖南澳為要害有重兵截擊則夷船不敢越此而犯江浙諸郡縣廣海以七洲洋老萬山為要害有重兵截擊

則夷船不敢越此而犯閩廣諸郡縣。即或海氣溟濛。不無偷渡。然哨探謹嚴。聲勢聯絡。或截其前。或遏其後。進退無據。立見殲滅。蓋防海者必防之於海。猶防江者必防之於江。故守之於門戶以內則不足。守之於門戶以外則有餘。所謂哨賊於遠洋而不常。厥居擊賊於近洋而如使近岸。此扼要之說也。海船不能不資淡水。宜絕其樵汲。以重困之。海船不能不避颶風。宜遏其寄泊。以猝擊之。查浙海可避四面颶風者。如馬蹟長塗等澳。凡二十三處。可避兩旁颶風者。如長白馬水等港。凡十八處。閩海在南曰則有代墜涓洲等處。在沙埕則有海壇連盤等處。在烽火門則有官井流江九澳等處。廣海之近處虎門者。則有屯門雞棲佛堂冷水等處。近澳門者。則有大小橫琴零丁洋九星澳等處。此皆寄泊樵汲之所。果能連聯會哨。來往巡梭。使逆夷無所窺伺。漢奸一切斷絕。來不得停泊。去不得接濟。船中水米煤炭有限。火藥無幾。將不攻而自困。不擊而自潰矣。若夫練水勇以備攻擊。備戰艦以壯聲勢。添礮臺以濟

哨探廣招徠以散寇黨嚴紀律以重軍法明賞罰以作士氣是在當事者實力行之耳。

天下事至而始為之備患至而始為之防則備之無可備防之不及防蓋非先策於平時安能收功於臨事況夫海道者中外之門戶南北之樞紐值茲四夷交訌控制之術誠不可不亟講也請試言其要一礮臺宜精礮臺者所以禦敵須堅緻牢實豈以大石簪以沙土污以英國泥近多用塞門德土務求堅固足以禦敵而不致毀壞查西式礮臺上置天靈蓋以護其頂使敵礮不能乘空下擊可謂巧矣然以剛禦剛易致摧折不如以柔克剛擇要隘之地先立長木椿交錯疎布後編粗篁挨次密環每層約隔尺許填沙以實其中視臺基之厚薄分層數之多寡另結繩為網罟濕以鹽漬繩大如指篁闊二寸層累懸挂高於臺二尺餘下垂至地厚約盈尺使剛柔相濟敵礮難逞其威即經數月之久百十次之環攻可以無恙此紅匪倡亂粵省鄉園行之獲

效者也。今海氣不靖。敵礮過巨。力能攻堅。故礮臺以土築者為上。礮石悉不足恃。礮石易裂。惟土築者。乃能受開花礮之擊。不至逐層剝落崩解。大抵除敵戰船加鐵甲之外。不能持久。蓋礮臺係在一定處所。戰船則可任意東西。敵人可注一定一處而擊。故開花礮之用於礮臺者。其功惟倍。為今應急之計。宜先於各海口。相度形勢。凡敵船必到之處。以大毛竹密排夾牆。牆後空一尺。又復如法為之。多至三四層為佳。中貯密麻包。實以濕泥。更於礮位之上。用數層大毛竹為簷。向後一邊。垂落於滴水之處。圍掘深坑。以避開花礮子。此外更備水車。以防火箭。若木椿力脆易折。竹篴又薄而易穿。皆不如大毛竹之韌。至於用沙。則受炸彈。能令飛揚。易傷守兵之目。至正臺之外。宜於附近加築次等礮臺。不一其處。又宜有材木之處。每處置巨礮一二尊。使敵人不能注定攻擊。此疲敵誤敵之法也。至天靈蓋亦不可少。但嫌其呆板。須改用活機。則受礮礮轟擊時。圍轉如意。自不過於受傷矣。又礮臺宜疏不宜密。宜聚不宜

分宜平地不宜山脚。宜內口不宜口外。何謂宜疏不宜密。宜聚不宜分。敵船之來。我軍對準放一後膛礮。至速為時四分。礮能擊傷鐵甲。至速亦不過五百丈。再遠則目力不及。難以命中。即中而礮力弱。不能透堅。船行之速。每時四分。可行三百三十餘丈。預裝藥彈。距船五百丈。開第一礮。至三礮。船已過礮臺一百七十丈。我礮位無多。安能阻其長驅直進。應將後路各礮。悉運前敵。守一總口。每十丈設一礮位。不論洋礮。土礮。安置百尊。洋礮力足。擊其船身。土礮力弱。專擊其船面。舵樓。氣筒。桅桿。小船等物。敵船雖堅。豈敢過此千丈之險。何謂宜平地不宜山脚。炮火之性。炎上。平擊一里者。稍高。可及三里。俯擊不及一里。且準頭極難。山脚立礮臺。居高臨下。我之擊人也。十發九虛。敵之攻我也。自下向上。百發百中。即使打在臺後。石壁。山石崩落。更難立足。況山上不能紮營。以護礮臺。敵人一經登岸。抄我之後。礮臺即不能守。宜於去山較遠之平地。築五丈厚八丈高之長堤。以避敵人礮子。每十丈留一空缺。安放礮

位缺處左右牆用三合土以防坍塌。口門前寬八尺。後寬二尺。外挂棉絮門簾。或綢
呂以護砲口。近礮門多置鋼擋牌。其高低以潮水不到之處為度。再於礮臺之後數
十步列營保護。以免抄後。營式宜扁。以避開花礮子。何謂宜口內不宜口外。海防之
設立礮臺。祇以拒敵船之不能進口。非遠能制敵之死命。宜在口內扼要而守。內港
水窄。不容多船。我軍守其一面。彼此開礮。勝負各半。今礮臺多挺出口外。敵人三面
環攻。鮮有不敗者。即使能守。敵從附近登岸。以抄我後。或開輪而去。我亦無如之何。
同一不准其進口。何必挺出口外。便其轟擊乎。又一法於礮臺外偏設籐壁。亦以柔
禦剛也。其法用沙籐。連環結如牆壁。疏而不漏。大礮彈子。織成每幅或一丈二丈不
等。扣結連。置諸礮臺之外。下平臺基。上齊雉堞。如行伍中以籐牌護身者。每至礮
門處。仍留門戶。使礮能轉動。左右旋擊而無碍。礮門之上。仍然連結遮護。周圍厚置
數重。惟其性軟。不能堅立。間植鐵柱以扶之。而籐壁每層之內。更實以籐絲。使綿厚。

而堅。軟藤壁之外。加以砂包。砂包之外。加以土壘。而藤壁後。又以砂包護之。臨敵時。內外以水澆透。使藤濕而不畏火。敵礮雖利。既穿土壘。復穿沙包。其勢已慢。其力已緩。至藤壁必難洞穿。以傷我臺基。臺基不傷。則雄燄不倒。我軍在其中者。飛彈不能損傷。則軍心自壯。極力抵禦。來使夾攻。敵之不敗者鮮矣。況用藤絲。其價甚廉。用亦可久。遇水不變。遇火難傷。且舉事甚易。一臺之功。即半月可以告成。洵保護礮臺之秘要也。一測量宜准。西人之礮。百發百中者。以其人多通算學。知道里之遠近。識人力之強弱。用拋物綫以算礮碼之所落。故礮無虛發。宜令各礮臺預先測量洋面海道。寬者分為十餘丈。窄者五六丈。或三四丈。每一段設有暗記。用拋物綫算之。錄於量天尺上。每大礮一尊。旁置一測准之量天尺一柄。如敵船入洋面某段。則礮位之低昂。悉視量天尺之分度。以為准。則發無不中矣。一操練宜熟。礮臺不恃有善法。恃有善用之人。用之未熟。一見敵船。輒心膽俱裂。手足如麻。有時礮彈尚難出口。

何論命中。惟時時操演。試礮位以驗其差否。練礮兵以察其能否。礮之準點。已推算無差。而潮水之漲落。天氣之陰晴。臺址之毫末偏頗。礮度之分秒盈縮。致較既精。施放又多。久之得心應手。到臨敵時。以整以暇。如指如揮。但十中七八。如一大口。有礮五百尊。每礮發二彈。共一千彈。有七八百彈命中。又何敵之不摧。何口之不可守耶。

一策應宜周。海口雖設礮臺。第嫌形勢孤露。宜多設鐵甲快船。或小礮船。往來遊邏。以為策應之用。則敵雖長驅直至。而有礮臺以遏其衝。復有快船礮船以輔不逮。展轉為用。而礮臺始可恃矣。且器械宜選擇。今日所用之器。與昔迥不相同。礮則以克虜伯為理治。阿姆斯脫朗來福前後膛礮為最合用。宜選置各礮臺。每礮一尊。設哨弁一人。兵五名。或十名不等。以專責成。水雷之製有二。一用銅帽為引。內放火藥。即西人所謂燐膏是也。此等水雷。一遇船迹經過。摩動銅帽。自然發響。一用鐵線以為電路。水雷則安放水中。其鐵線直引至山巔。設人在山上瞭望。若見敵船駛到水

雷之上。即把電氣機關一轉。立刻轉發。有此二法。水雷之能事畢矣。水雷船惟電光鏡可以破之。則電鏡誠不可不設。若敵用此水雷船。我即用此鏡照之。不惟於我無損。實為於彼有害。夫一法既立。即有制是法者。而我既知用此鏡。則我之水雷艇。又當嚴防此鏡。庶幾可保無虞也。一奸細宜防。從來外侮之生。多由內訌之作。有明倭患。實始汪直徐海。其最著也。此外更有所謂漢奸。或以鹽酒糝火藥。或以礦水脂灌礮門。實係敵人購買所使。此種貪財賣國。喪盡天良。若不嚴加防範。保無貽誤臨時。宜暗授口號。逐日查驗。或大開湯網。使漢奸得以自新。蓋奸細者流。為人用則害。為我用則利。中國地大物博。知愚賢否。原屬難齊。道光年間。英夷攻粵東時。適購漢奸每人給安家銀三十圓。每月工食銀十圓。應募者幾三千人。又有在外地販牛肉以資敵人之食。聚斂巨富。且不獨販牛之一端也。若我既聞漢奸自新之路。厚其賞格。彼亦係中國人。未有不幡然悔者。因其悔而用之。使暗惑敵人。或泄漏其軍

情。或毀壞其軍火。或離間其人心。或擾亂其耳目。或臨時內應。以戕其大將。或先事舉兵。以殲其士卒。亦可收指臂之一助也。

火輪鐵甲船購造停泊攻守集說

泰西古時兵艘。皆用帆船。極高大堅固。船分上中下三層。或二層不等。載礮百餘尊。或數十尊。至少亦有十餘尊。推堅陷陣。為水師中利器。自火輪船興。而帆船漸廢。置不用。火輪船大者三桅。小者兩桅。船之後半。上為水櫃。下列火門。或五或九。火門之內。以柴燃煤。水櫃之上。兩銅管粗尺許。灣折而下。至船底承以兩木桶。高五六尺。圓七八尺。木桶之前。又接以雙鐵管。曲折灣環。達於輪軸。火燃水沸。熱氣從銅管入桶。桶蓋扇動。熱氣貫入雙鐵管。宛轉達於輪軸。以激動之。輪在船之兩旁。為鐵圈三層。橫施鐵板。畧如南方灌田之水輪。外以木板護之。望如半月。船面有大鐵筒。高二丈餘。出黑烟。以透火氣。又小鐵筒一。高丈餘。出白蒸。以透水氣。船將行。先燃火。約一時。

許候水沸而開船。船內有鋼二尺。施於兩柱。推之向前則輪前轉。推之向後則輪倒轉。推之依柱則輪不行。船之行輪激水如飛。瞬息不見。一晝夜約行千餘里。船面立小桅二。遇順風則施蓬以助輪。惟船腹不開。鐵洞耳。按近今船學較前更速。如重心片機鍋爐各法。以及鐵塔之靈便。雷筒之精巧。行駛之輪船之包以厚鐵者。名為鐵速事。莫不新奇。絕倫。許竹員外國師船表內言之甚詳。輪船之包以厚鐵者。名為鐵按十二寸以上者。名厚鐵甲。十二寸與八寸之間為中鐵甲。八寸以下為薄鐵甲。首置大鋼衝角。木船遇此鮮有不被其撞沉者。鐵甲船有數等。其最上者。中用陳久黃松木。按泰西製船以獲克木為最。其形與榆類。多在意大利國外加極堅韌。而有大大凹凸力。全無炭質之熱。鐵板五層。每層約厚四寸。層層用螺絲釘嵌。凡遇船中出力之處。則鐵板加層加厚。蓋鐵甲數層相合者。鐵子難穿。獨層厚鐵者。鐵子易穿也。嗣又以熟鐵易壞。全改為鋼甲。鐵板之下必用堅木以為之墊。有厚十二寸者。有厚八寸者。方可稍減敵彈震動之力。而又嵌鐵彈於木墊之內。使不穿透。其最大者。機器力重有三四千匹馬力。及萬餘匹馬力不等。喫水太深。中國口岸

內無此深水之港。難以購用。前英國駛來。換仁刁鐵甲船。約八百匹馬力。用之中國。洋面。較為合式。若但係木質。或僅二三百匹馬力。按西國巡海快船。噸位約三千匹以上。若七八百匹馬力以下。鐵甲厚僅四五寸。不過用以供給雜役。即今所稱蚊子船。非戰艦也。上蒙以三四寸之鐵。船下喫水之處。全無鐵包。若遇兩枝半桅之結實頭板船。乘風撞之。即震動鬆裂。萬不可用。購買之價。視船之精麤大小。厚薄新舊。及馬力之多寡。機器鍋爐之靈便結實。往往有賤於兵輪者。大約上與中之鐵甲船。價總在十萬磅以外。按船大則價更昂。如四千匹馬力。不結約值美國銀錢一百五十萬圓。若九十匹以上。頭等鐵甲。每值銀五百萬許。每百磅。又加船油雜費十二圓。如第託洋人購求。恐誤買木質之蒙鐵者。且外國造成一船。皆以自備戰守。其損壞不堪用者。往往售之中國。而又昂其價值。輾轉經手。徒資中飽。如以數百餘萬之巨款。購一不堪用之壞船。駛以臨敵。貽誤何窮。故欲購船。宜選派熟悉船務。結實可靠之委員。分往各國船廠。託其製造幾面。并帶同中國製船駛船之人。前往認真學習。俟其造成。

中國工人亦可習焉而化。大約英、美、法、意各國船廠，每廠各宜定造數船。造成後，合行考較優劣貴賤，以為委員之賞罰。庶歟不虛糜。有裨實用。現東西洋各國鐵甲船，多或六七十號，少亦三四十號。誇多爭雄，不遺餘力。乃我中國洋面幾及萬里，而鐵甲反屬寥寥。何以國防守而資保護？此誠購造之刻不容緩也。至停泊鐵甲之處，先須水深。次須海底硬泥，始能受錨。若軟泥質，則起錨艱難。沙質則錨易走動。石質及蛤殼，則不能受錨。中國極好錨地，以香港為最。又上有重山迴護，可以避風。下則水深，不致過深過淺。乃竟付之英人。此外如北海遼東之老鐵山前後，以及塔頭島、長子島等處海面，全是泥質。水深二三十拓不等。直隸遼東二海，大風不越十二時。雖無山勢擋阻，亦屬無妨。此間可泊鐵甲二三號。距大沽南礮臺之南高墩約八里以外。海底泥質，此間可泊鐵甲船三四號。東北海有此數船，首尾相應。度津沽山海關、鴨綠江之門戶，可固。煙臺港外有崆峒列島，可以遮護風力。海底亦有泥質，可泊中。

小鐵甲船三四號。揚子江口崇明山之南面。水深二三十拓不等。海底軟泥居多。然中亦有泥沙相合者。可以拋錨。此間可泊鐵甲船二三號。上以通津滬之氣。下以保太平洋萬里之安。臺灣北面距日本之九修島。與直隸一筆可航。宜泊鐵甲船二三號。以固東南樞紐。或泊澎湖漁翁二島之間。及鷓籠港等處。運煤甚易。錨地亦穩妥。廣東虎門。水非不深。而海底不平。設一旦諸國有事。即不能駛出香港。與東北洋諸鐵甲聯絡照應。可泊鐵甲船一二號。以為自固之用。按海戰陣式。以三艘為一發落。少亦須十二艘。始足敷調遣。策應。以此各口鐵甲。俾泊僅二三四號。即平日操演。且不成軍。恐尚足以壯聲援。而資策衛。至海疆首尾萬里。上接津沽。下通閩廣。惟吳淞為適中之地。查吳淞口外洋山突起。金山衛東海中。高大周七十餘里。四圍環抱。中有十八畧如大湖。能容戰艦數十艘。上有泉可供。及飲。下有墓可避風濤。若海軍扼此為中路重防。以備戰艦。以厚守禦。聲至鐵甲船攻破礮臺之法。在八百丈以內者。威所震固不淺。為長江門戶鎖鑰也。可用八寸徑以上之螺絲礮。配以實心尖彈。專指臺角一處。層放迭擊。不可忽東忽西。俟有傾圮之形。然後自上而下。遞擊遞低。其臺牆自必漸裂漸離。卸矣。其十五寸

徑以上之麼打礮炸彈。則用以仰攻臺中之火藥倉。太平蓋使其延燒。臺兵自無站足之地。而船中人抽配陸兵。為常行壘以逼之。敵人接濟一絕。自渙然瓦解矣。其鐵甲船自衛之法。倘遇兩岸有林木之處。船桅宜多挂樹枝。使人不能辨識。所有鍋爐氣貫機鏈。兩邊必護以沙袋。外面必蒙以鐵鏈。使之往復回環。又以大繩結網。為外層遮蔽。使之以柔克剛。倘遇敵之鐵甲衝撞勢猛者。挾舵偏左偏右以避之。勢相等者。急轉船首鐵衝。先撞其腰。又或以船首四五丈之長木二條。作义形。外蒙以網。下以重物墜之。可以收取前阻之水雷等物。不至為所觸擊。其攻破鐵甲船之法。一曰大礮。須用實心尖彈。自二十四磅以至六百磅。愈大愈為得力。按近時水師礮有十六寸徑者。其福前勝大礮。用炮藥發內獨炸彈。或橫鋼炸彈。藥裏從一百七十磅至二百四十磅。彈重一百二十磅至七百磅。距一十碼遠可洞穿二十一寸厚鐵甲。若十七寸徑重百噸礮。可送二十磅長彈。距一十碼遠。其彈體一為背弧形。二為圓錐形。三為圓柱形。四為平圓底。開礮之時。先應計其速率。三千步內。定其率點於船頭。三千步外。則定準點於

求到之處及其尤近。又必須礮擊其火藥船及鍋爐螺輪流機扶舵之處。則一礮勝於十礮。至礮中火藥宜用近日布國新製之藥餅。按近時礮藥有棉花火藥。永宸園礮藥之燒熱緩急。製造時可以噪。各國著名者。德國有棕色藥。美國有奇奇藥。法國有蜜里奈脫。英國有薩薄賴脫。均工本甚大。噴噴人口。而其中之合用者。尤以翟林斯開所創。但發熱脫炸藥為最。此藥無須火以壓緊。空氣衝放。壓力多。少。可以自起。開放多次。全無熱氣。即初放時。無炸熱。激烈之聲。命中及遠。尤極有把握。則始能速率稍減。可免炸裂。而速率倍增。鐵甲可以直透。一日水雷用生鐵鑄殼。厚約半寸。用藥自十五磅以至七百磅。以距水面之淺深。為用藥之多寡。水深者用電綫引火之雷。水淺者用磨而發火之雷。下繫之錨。其重須比雷七倍。倘以木椿繫之。尤為定而有準。若緊靠船底轟發。雖極厚極堅之鐵甲船。無不裂而沉者。倘在船之左右前後轟發。則有沉有不沉矣。惟用於外海。則煙水渺茫。萬難恰值敵船。一定往來之道。且海中潮信過大。自七尺以至二十一、二尺不等。水雷低放。則潮漲時相距二丈有餘。雖觸發不能有助。若放高。則潮落時適為敵人所窺見。更為無濟。雖用沽

機以俯仰之。而高下懸殊。過甚。終難得其定力。若能用於內港河道狹窄之處。分擋排如雁行。虛虛實實。以標識之。則敵船勢不勝撈。必疑而自退。其順風力。水力。飄動之水雷。或用機器自行之水雷。敵人用長竿一撥。即開。仍屬無濟。亦有船裝水雷。以機器在水底行走者。然難以對準敵船。本船亦多受危險。似不可用。若用須以小船以墊墊漿。使無聲響。船首以長竿繫水雷。黑夜用猛力送至敵船之下。自可轟破。此外國在大洋相持時。亦偶有用之者。一曰水礮臺。長可十丈。能載數百磅巨礮。狙擊鐵船於三里之外。有在水面浮洲。用堅木排列成格。而外以沙土為垣者。此為定礮臺。有下繫鐵錨七箇。中用鐵鏈堆於木椿者。此為活礮臺。有用四十噸之鐵船。配極重之大礮。中用機器自行。遇鐵甲船過。可以自後通行打之者。此為浮礮臺。此三種礮臺。有用大礮六門者。有用四門二門者。即使擊鐵甲船得力。而勢同孤注。故所用皆係光膛大礮。螺絲貴重之礮。無用之者。恐一旦同歸於盡也。近時法國比倫又以

熟鐵皮為極大之浮標。其形為扁橢圓體。共重三萬噸。比鐵甲船加倍。其標留三孔。錨鏈即從三孔而出。其分隔之機。共有一萬八千箇。均無漏水之門。故不漏氣與水。雖使鐵甲船用力衝之。亦不易沉。似較水礮臺稍為得力。然費重運難。不如多造水雷而有實濟也。一日大筏中用鐵倉。實以火藥。外用觸火之物。筏見於水面者極小。乘風來水。送至鐵甲船邊。機器一發。藥倉炸裂。北花旗之鐵甲船。亦有為此種大筏所衝燬者。又鐵甲船體過笨重。只利洋面馳驟。若內河淺窄。則利小船。宜倣用粵東快蟹蜈蚣長龍等船。上覆牛革數重。蒙其脊以避礮。每五船為一隊。其操舟宜善泅水者。飛駛齊來。一近敵。即拋擲火彈火礮。得勢則鉤船而上。或放悶煙迷敵人之目。不得勢則下水。荷舟而歸。鎗礮下擊。子必落水。人在水內。不至被創。昔越南曾誘夷人兵船深入內河。用軋船破其數舟。又廣東佛山義勇團截夷兵於龜岡礮臺。以小舟逸出上風。縱毒煙以迷夷目。盡殲夷兵。并擊破其應援之杉板舟。蓋以小勝大。以

卑避高以順制逆理勢然也此外更有所謂子母舟者一遇敵即鉤釘其舟母船縱火與彼俱焚伏兵至駛子船歸有所謂聯環舟者分為兩舟中連以環遇敵縱火前環既解後舟即歸焚燒敵舟最得其妙誠宜預備試用前荷蘭據臺灣明鄭成功以小舟數十中藏火藥駛近敵船遣敢死士將小舟釘繫其船旁縱火焚之荷鐵甲二艘片甲不圓用是喪膽其明證也此外惟有堵口一法密布竹木牌城以遏直衝遇敵開釁戰於口內不如堵於口外故或釘品字木格於水中或多層鐵棧於海口以阻敵橫衝直撞亦牌城之意也牌城之法每牌長四五尺寬三四尺高視水之深淺約多至一丈為半面圓底或全木或竹或不相間層層夾草首尾鑿眼橫貫鐵條中用繩纜逐層固紫每二排兩頭用鐵練維繫名曰橫紫或至三牌四牌五牌均可每二牌兩旁用鐵練維繫名曰直紫橫紫專用以攔紫直紫或載火藥國何陳彝擊橫紫上有用橫草薄坪紫實高六尺厚丈餘中央濕紫一二層後築鐵壘積草內留礮洞四圍嵌木草上斜紫竹蓋但草堆難得堅實恐不足以抵禦礮花礮彈且牌上築壘亦難得穩結仍不濟事惟大毛竹滑而且敷用三四層密排中以鐵條聯貫成夾牆每層中或更貼蘇包實以濕泥牆形上缺下寬如人字下留礮洞置大礮其內可左右礮每牌夾牆酌用二三道牆脚仍逐層用鐵練穿釘使其牢固牌數至則連環封師各牌礮手同時舉發實可輔礮壘之不及有此牌城益以礮威猛烈

中西兵略指掌

卷二 西軍防

大輪鐵甲船購運修治守集

十

敵飛渡不可登岸不能時有鐵甲計無所施自不戰而走兵按此法專為兵輪不足而設誠以甲船定造不需時與無船同則此牌城之弊廣設沿海民團以防登路按凡逃即棄以資敵有船不練與無船同則此牌城之弊廣設沿海民團以防登路按凡少益多實為以鈍勝利一拙制巧之第一良法也何至有牛莊之敗東境之榮城無恙不外懲前如舊歲中倭一役奉境之金蓋獲金何至有牛莊之敗東境之榮城無恙何至促威海之危故凡海隅可以停泊登陸之處總宜預集重兵屯紮防守之兵速借不如近取惟就沿海此船民聚所以三致意也至若防守機要須先須信之故在水則宜多練濱海漁船平時教令識認各國兵船旗幟火項刻數百里以佐巡海師船之不逮在陸則多設烽火台至即沿海舉火頃刻數百里以調多營準備堵禦蓋防海以阻敵登陸為第一要者彼停泊而又輔以水下藥人謂今欲阻止鐵甲船行至藥園上即轟之或敵船撞而破仍能及今惟水下藥耳藥園或用電線視敵船行至藥園上即轟之或敵船撞而破仍能及今惟水下藥更須有一班靈敏發電之人并有屯兵禦敵上岸加于母彈機噐以及巡查船板在平時訓練安妥為要與舢板雷筒攻其不意挫其鋒此又以守為戰以逸待勞防堵海疆要策也以上各法凡購造演試與或攻或守之宜均應分別實事講求於平時不徒為臨渴掘井而且為將者相與激發忠義號令嚴明為卒者同心効命

一兵能得一兵之用。又何敵不摧。何堅不破。以此生制四夷有餘矣。

龍昌手輯兵略告成。既節取宣尼論禘之旨。以顏殿目。一日披宋藝文志。見諸葛武侯行軍指掌二卷。不圖遙遙千餘載。名書之意。竟曠世同符。異矣。夫武侯大名偉略。冠絕古今。愚何敢望。乃以是一節偶合。獲與上證。心源冥冥之中。其詔我哉。龍昌生平不敢妄自毀薄。澄觀千古志在武侯。法在文正。武侯之用兵。以節制著。文正之用兵。以教練著。試為比量以觀。二公指雖各判。意實同源。蓋兵非教練。無以臻節制。亦非節制。無以見教練。誠以節制者。固教練之效。教練者。實節制之本。二者相需相成。一以貫之。後世言兵者。斷以此四字為第一切實要訣。是故唐太宗云。深乎節制之兵。得其法則昌。失其法則亡。得失之間。間不容髮。如此。此非凡有國家者之所當奉為著蓍乎。乃文正沒世。距今數十稔耳。何以甲午一役。軍事敗壞。幾於不可究詰。坐使環海波瀾。全局煽動。而後為思啟者。漫日肆其觀餽醜。

詆以相通而來。甚且明目張膽至羣馬波斯突厥我也。於序物腐蟲生。勢所必至。履霜堅冰。積豈一朝有識者。事後推原。然後歎因循廢弛。將不知兵。兵不用命之貽誤不淺也。龍冒目擊時艱。深維噬臍之懼。雖自顧身處草莽。然義憤所形。何敢情忘桑土。用是不避僭越。不量迂愚。大集羣書。博之約之。扶之擇之。類存之。綜論之。直刺之。婉喻之。揭數千載之廟謨。國是以與為參訂。要無非欲使由教練以至節制之意。釐然大著於天下而已。有挽回時局之責者。倘援此互相考鏡。相與激發。天良講明。紀律以嚴。王氣而振。軍威於將來安攘大計。或者不無萬一之裨。至於知我罪我。一以俟並世諸賢。區區之意。固有所不暇計也夫。

改

今天下之變亟矣龍蛇起陸陽燄熾鐵血所范延官延強其於天下且具獨駿
駁不已愈示新多互相仿倣數十年來何嘗不習軍練武以師西人且長技哉
迨東一役利鈍輒然非是海內志士踴躍奮起親予變法樊然淆亂蓋論吏易
兵制則固多嘆同聲至道智最著據據層層未洽二師文具之弊之巧協和通論
也常使陳君咸非夙謀經世之學尤好兵家言所衡世來集中西兵略指掌博
采成規旁及泰西新法簡明翔實於戰守攻取之事六賊備矣漢去兵書著錄
者五十三家多已亡失後世譚兵家佳驍論說類槍據策士之所為惟明南唐
戚氏所著書雖神於實用而文正公實之以教練湘軍蔚成
中興之大業今陳君集輯大旨又本文正治軍之法而兼據旁通之其意雖廣
取道極務求簡要而仍要其歸於用焉人不使予可時輕時重中自守旅

之責考誠本是編以為簡蒐訓練之前鏡兵事在古者少者御秦文惠
分作五種通致一言體大思精實經治平之典獨在軍禮明為良以教司
馬法教供不具屬而存者又為漢人而屏亂於所謂高之以仁義行之以
禮讓者蓋臣竊其梗概而文正公嘗欲為之輯補者志未逮陳后或採古
近征佚之役附以泰西戰事之不信於先王遠矣考更輯中西軍禮共呈編
相補而行庶幾電休風以余學屢強呈文正之志也文時在

光緒丁酉冬五後五日梁溪林志道謹跋